

潛研堂文集

一六

新乎知
妙學

潛研堂詩續集卷五

嘉定錢大昕

出山口占

入夏頗多雨游山偏得晴石梁東道主特地作人情
橫仄非一形旦暮亦千變莫嘲兩眼昏尙認台山面
立腳先須穩寬心乃得安高峯不敢上爲怕下來難
鴈蕩不多程欲行又復止寄語主山神我非樵櫟子

石梁觀瀑圖爲華秋樾賦

石梁之瀑天下奇嘗曾夢到今見之白龍兩條半空下
勢均力敵誰雄雌盤盤困困忽會合一瀉千里駟莫追

天公手筆不平衍中流一束匪夷思巨靈擘開未全斷
奔雷掣電趨雙扉長虹宛宛只盈尺雲端宴坐人天師
波濤噴薄腳底過挂下百道銀琉璃將落未落自衝激
化作雪絮漫天飛兜羅縣見世尊面冰綃璽織鮫人絲
匡廬鴈蕩小弱弟其餘俛視如嬰兒徘徊欲去不忍去
小別又落塵寰卑秋樑好事乃過我前年觀瀑畱新詩
丹青師爾存彷彿泠泠寒意生鬚眉永嘉前生巖首座
安知吾輩非同時置身要在僊佛國應真五百相游嬉
原泉萬斛一口僂吸盡咳唾散落皆珠璣

題黃雲門先生傳真圖

谷間東坡語山色清淨身四大本和合百歲如轉輪獨
有名不朽終古長嶙峋黃公人中俊量與叔度倫降靈
良非偶維嶽生甫申先公方持節官舍懸弧辰雲門翠
當戶肇錫名有因宣聖禱尼山表德義則均果應山水
秀爽氣摩秋旻致身青雲上風采傾搢紳奉常掌邦禮
司農筦天囷開府督八州漕轉河淮濬三臺夏八座敷
歷四十春晚歲出視學玉尺臨東秦人稱大小馮校士
同清勤按部到青社星移迹已陳高峯宛無恙蔥蒨若
可親天門簷百仞不染元規塵一笑爲指點卽吾面目
眞是一本非二肖形兼肖神騎箕倏歸去住世纔七旬

永叔神清洞魯直山谷民人間偶遊戲不昧來去津山
兮人斯在非主亦非賓奇石筋骨露清泉咳唾勻絳霞
爲公裳白雲爲公巾岱宗公舊識崑崙公新鄰恆幹有
解脫眞性無沈淪皓月光未滅清風久逾新此是不壞
相手澤宥永珍

重過桐巖嶺

石疑斧劈痕猶在泉似簾垂疊更奇可怪世人惟日食
好山如此不留詩

漫山青翠不霑衣邨舍多依石作扉一路谿聲琴筑韻
替將鼓吹送儂歸

麻畧

麻畧桑洲地錯迤依山高下半秧田漚菅午曬垂垂線
引笕家分活活泉鳥曰綠杉皆本業橫峯側嶺與因緣
堯夫元有行窩例合置黃茅屋數椽

雨宿止觀庵

一陣淋頭雨放顛前途泥滑怕爭先何人特置阿蘭若
準備先生自在眠

脫了菅衫卻換絲黃梅雨後峭寒天羊裘五月尋常事
漫認巖光作地僊

海口南五里地名缸窰當是江瑤之謠也予游

明州不及陵江瑤柱今日過此戲畱一絕句

張融食指竟虛搖未趁春風三月潮一笑梅林堪解渴
柵墟海口有江瑤

奉化谿漲

一滴涓涓可濫觴分流石罅響笙簧無端俗與風沙力
纔出山來便作狂

水碓高低趁急湍平橋漫水漲痕寬漁翁赤腳當谿立
可有嘉魚上釣竿

登舟

雨後潮猶急天陰夏轉寒孤舟如竹葉上埧度危湍伸

腳安眠傻低頭得句難推篷時一快青翠數峯攢

王陽明祠

半壁南天一戰收蠻中夏俗伏波籌功名已上麒麟閣
德望真懸泰華旒信有文章兼道學漫因門戶快恩讐
蚍蜉撼樹噫何益試看姚江萬古流

雨過上虞

樹影山光自接連秧田活活瀉清泉小舟上埧如人立
急雨生泡侶的圓六月披裘非意料三江放櫂有前緣
計程一舍梁湖近問渡先尋幼婦篇

偶作

樹瘦翻稱古巖敲，卻有姿便如尸沁。玉臭腐化神奇。

積雨

積雨谿全漲，淡邨戶不闔。郊墟都漫路，池沼已平階。赤
腳牽船上蒼苔，染壁皆青山。空在眼，不敢試芒屨。

自題天台游艸

莫欺潦倒白鬚翁，雙闕瑤臺在眼中。編就紀行詩百首，
卻拋兩月著書功。

一賦興公萬古傳，幾曾展齒到山前。契舟求劍嗤吾輩，
已落禪家第二詮。

斗酒雙柑便足奇，詭癡耗紙亦奚爲。故人曾授便笈訣，

只愛游山不化詩

竹嶼嘗語予游山是樂事若化詩乃自尋煩惱也予深服其言

豆腐

殷殷雷車響已收
勞薪夜煮氣淩淩
凝脂點處吳鹽細
練布包來卞玉柔
冰雪心腸原不俗
酸鹹滋味任相投
天公畱與爨霞訣
供養先生六十秋

題金丈月泉弄孫圖

江鄉尊宿魯靈光
解組歸來又卅霜
絲竹東山何足慕
凌它珠樹列成行

含香粉署鱣堂師
二妙凌寒翠竹姿

謂荅坡駕部暨樂圃廣文

子又

生孫相接武梧桐
百尺出新枝

贈寶應吳明府闔林

千里相思命駕時
官衙握手慰心期
湖光都入詩人句
輿誦將刊德政碑
紫蟹過秋還有味
黃花垂老更多姿
樽前吳語皆知舊
潦倒何辭泛一卮

闔林以蕩粉詩見示爲賦一律

重湖新蕩載連船
九轉還丹至味全
曝向庭中冰葉脆
澂將食底鏡紋圓
色香自信身無垢
磨鍊方成質最妍
貢篚親題僊令製
要呈清白聖人前

題侯大年先生鳳阿山房圖

朱查竹垞初白題句吳梅漁山耦長畫前輩風流若可攀
突兀山

房疑在眼勝宅廣厦萬千間

買山畢竟付空譚畱得詩書一味甘忠義文章有嗣響
故家喬木重東南

小唐廂偶題

逃名何必更逃虛一室蕭然自掃除公有私乎偏愛竹
客無能也且觀書花心午聚娟娟蝶池面晴浮策策魚
誰是王筠多識字老夫還擬賦郊居

敬修上人招集江心寺卽席口占

香林背郭隔牛鳴淼淼江流可濯纓人到譚禪心自定
節當浴佛雨初晴捩髮不爲吟來斷撒手須從悟處行

半日化城容小住品茶煮筍味都清

次韻范孝廉莪亭

心侶冰壺萬里清牙籤一一鑿來精著書已勝金樓子
汲古常攜玉帶生嗜好未除終遠俗文章愈老并忘名
客中垂喜陪游屐松島蓉洲寄遠情

題乞食圖傳奇

雲山舊衲話風流竿木逢場化戲游
因睨料應無識者卻煩紅粉一回頭

雪中鴻爪偶畱痕妙句新題悟石軒
難得傾城悅名士偏從乞食識王孫

叔寶清兼昭畧狂玉山醉後易殯唐青衫一領判拋卻
洗滌從來瑁椽腸

游絲一縷本無因香雪輕埋玉樹春不是楊枝沾淞雨
崔徽爭見卷中人

中山千日只匆匆喚醒三生泡影同但願有情總圓滿
不教人怨可憐蟲

騷人骨相自清寒碧落黃泉見而難誰道返魂真有術
春回江令彩豪端

題文敏公書

并序

此先師武進尚書文敏公所書以當座右銘者

大昕在京師晨夕造謁諷誦畧皆上口公歸道
山十有五年門下士亦落落如晨星每憶槐蔭
書屋從游之樂杳如隔世今夏過竹初丈小林
棲忽復見之則已裘界成冊矣泣然感愴情見
乎辭

十年不見老僊翁坡公句筆力依然玉局同
誰續晦庵言
行錄平生心迹數行中

虛堂猶記鶴翔名回首西州淚暗傾
萬斛原泉文格壯
瓣香一縷在欒城

顛印松汀觀察隱几觀書圖

胷中不讀萬卷書，軀幹雖偉精神枯。詎有伏獵杖，杜輩
而能致治如唐虞。中令論語纔半部，惠施多方且五車。
醞釀搢紳功不淺，漱芳傾液樂有餘。先生本是文章伯，
東方文史三冬儲。柏臺梧掖久敷歷，帝命持節來海隅。
天台四明高萬丈，前身僊佛無毫殊。五花判牘公事
了，心清已到太古初。天然斐几滑可鑑，丙丁甲乙細囊
舒。詞章襍積猶小技，經濟要使仁風敷。伊余衰病文思
涸，隱几自笑非故吾。亟欲相從析疑義，源泉萬斛相灌
輸。

題座主文敏公仿元四家長卷

茶山本天人游戲爲畫師胸中磊落有五嶽天機活潑
出怪奇蓬山侍直廿餘載絕藝不許人寰知我聞論畫
如論禪宗派亦以南北岐摩詰一翁化初祖吳黃倪王
四葉垂曹谿汰乳出龍象煙翁妙手孫謀貽麓臺已往
誰嗣響惟公心摹手獨追試觀此圖和合四家汰驅使
前詰如嬰兒見五日一水十日石松杉栝柏點綴位置皆
得宜蒼茫浩瀚一氣合筆墨斷處神猶隨畫成付令弟
知音今鍾期自言傲麓臺魄力實過之西堂春艸冷筍
夢撫卷老淚雙漣洏立功立言已不朽餘技亦復疇能
爲鯁生一見但下拜曾記解衣盤礴揮豪時

英公夢堂藏文敏公詩卷羣公題詠甚多未幾
夢堂下世此卷流落市肆竹初丈于京邸得之
屬題其後

竹井收藏物

竹井夢
堂號

茶山絕妙詞朗吟挂蘭句何減浣

花詩過眼幾相失對牀慰所思還如蘇玉局寄贈芾君
時

題王定山所藏秦漢瓦當拓本

番易釋漢隸輒整厯四五五鳳出孔林西京製猶古瓦
當咎未聞奇文祕榛莽烏傷偶收四目眩詫始睹今又
數百年靈怪忽盡吐外園中藏稜四出恰交午奇哉陶

施工能繼籀斯武金薤忽倒垂玉筋競雙舉團團螳旋
磨滿滿箭注弩長生及長樂頌禱多吉語文同形或殊
百變不踰矩上林都司空異名復幾許汲古趙晉齋與

俞竹居

爬接入藏弄吾家篆秋生

獻之

臭味亦其伍各

有芟痂癖寶此若璜琥用以代陶泓不憚錦囊貯王君
今名儒好事癖翟侶頻年游三秦古物徧摩撫一一拓
其文襄池甲乙序如捫列星垣如啟羣玉府銅雀并香
姜俯視等爾汝珍重什襲儲勿使六丁取

題趙文俶水墨花鳥冊

謝女題詩筆最神綠窗輕染墨痕勻四時花鳥隨心造

腕底元來別有春

暈碧殷紅著色酣黃徐舊譜擅江南誰知林下空空手
生意都從水墨含

石上靈芝竹外梅離奇疏瘦了無埃天然一種煙霞秀
侶帶寒山面目來

香茗才華絕代誇停雲指訣付兒家孤芳自有幽人賞
不羨裴堂富貴花

閔峙庭中丞七十

開府東南渥澤敷福星十載在三吳風裁峻潔凌霜柏
心地光明照乘珠處事無疑由定力素風不改見眞儒

七旬矍鑠今希有精鍊猶能敵萬夫

卅年 北闕荷 恩光德望中朝孰鴈行岳牧半曹爲
屬吏俊髦誰不列門牆曲江金鑑春常朗魏國黃花晚
益香卻喜懸弧逢夏仲銅壺晷景最縣長

籀石侍郎以新刻詩集見貽卽次集中寄懷之
韻報之

誰能八座更抽簪況有鄉園近墨林沈率郊居初願遂
杜公詩律晚年淡谿谿山眼底皆殊相花艸豪端見素心
清望高文兼第一評量合向古人尋

如公斯稱文章伯媿我曾陪著佗林蠹食青編身愧弱

鯨游碧海力方淡廿年以長常低首千載相期可證心
記否宣南坊裏住雞棲車小數追尋

附原化

錢載

困學前惟王伯厚日知近有顧亭林儒家獨起山川
秀史籍有搜歲月淡但乞遠書長隔面勿言多病突
驚心鳳城是事難忘處蘭臭如君數往尋

三月十九日蔣香洲立庄招集復園送春席間
次潘榕皋戶部韻

太平時節自由身折簡招邀爲送春張丈殷兄皆老宿
廬前王後總詩人小橋宛轉因波曲新柳芊絲著絮勻

九十風光休錯過，禊游纔了又茲辰。

間漑亭姪金陵之計

讀書種子汝墳篋

謂獻之

弱族何堪一个麥，拾芥科名虛

到手寒穉仕宦未伸眉，三篇注補龍駒闕六律，元從鳳

管推

著有史記三書釋疑及律呂正義諸書

嘔盡心肝投奧窔，千秋絕業

欲傳誰

頻年書報欲歸休，恆幹誰知不少畱，寡婦忍聽王粲賦

遺孤慎保叔敖邱，瓣香猶記先人授

漑亭從先君子授業

某水都

同曩日游後我成名，先我灰阮生那禁淚交流

絕句

焉用胡椒八百可憐鍾乳三千冰山彈指銷卻劔樹轉
腮淒然

阮何一雙風貌王謝累葉華腴當日登場傀儡有人掩
口胡盧

甲煎元知淺俗三葛況復麤疏墜花偶然上席醫痔常
得多車

閱人臃腫有味用山谷詩見事鶻突無妨且過三平二滿不

管五角六張

讀書漢魏而上置身木鴈之間不解學僊學佛但記某
水某山

靈鶴不如拙鳩快馬不如鈍牛記得黃涪翁語真富貴
在千秋

過將軍教場術術舊寓庭前槐大半已枯感賦
廿六年前儼此廛槐陰如織一庭圓植非晉國枏難久
夢化淳于晝暫眠磊落長身猶老輩支離半體笑枯禪
恒河我亦羞窺影搔首西風獨黯然

題邵二雲編修所藏王文成公詩卷

正德庚辰
八月望爲

惟賢憲副書元日露二
日雨再游九華三詩

一掬憂時淚千秋講道心淋漓四百字鄭重短長吟理
直詞無飾文雄學更深青門勤什襲寶此當南環

程易疇臨董文敏書王文肅祠記長卷付其幼

孫屬予頌之

文肅家聲舊香光墨妙存臨撫推老手鄭重付童孫益

壽言多驗

易疇得漢印文云程壽因鈐卷末

傳經道獨尊黃金何足羨

樸學在韋門

何處期頤麥來言逢吉占

頤頓首者郭檢討閩人年一百五歲

錕鉤雷甲

觀瑜珥凌丁添豐芑詒三世衰池重百縑自慚無長物

付與阿同拈

予長孫與予同甲子生小名阿同

荆軻里

七首懷中出諸郎殿下看燕丹心未死趙政膽先寒成

敗論人易從容舍命難千秋猶灑淚易水共汎瀾

郭隗故里

郭隗能陳義燕昭自愛才唯嫌枯朽骨不稱住金臺

中山靖王墓

煮豆煎何急懲羹勢自成慨慷聞樂日怨恨聚蟻聲百
廿枝繁衍春秋祭薦誠樓桑畱一脈正統續東京

曲陽道中

向禽山水有前期投老全無濟勝資五嶽平生唯到一
此來又拜曲陽祠

謁北嶽廟

管年住阜平擬整曲陽轡泥淖不果前蹉跎竟卅歲南
北漫奔波向禽志未遂竭來訪故人

定州牧郭秋皋已
亦主試所得士

中山十日醉爲言安天祠近在兩舍內扶病賈餘勇哺
行暮已至詰朝叩元關摳衣升瑤陛冕旒儼中央羣神
翕拱衛祠宮仿宸居想自唐宋制左城及右平廊廡極
壯麗禹貢表山川志大不舉細太行與碣石中有恆山
峙飛狐紫荆險聯縣只一氣大茂當其脊巍然特蒼翠
古聖崇明禋度縣稱望祭虞巡十一月秩祀卽此地三
代洎漢晉馨香儀勿替孔鄭經師宗固彪史學最箋注
迭相承千秋靡異議豐碑列如林周覽拭目皆最古稱

開元三碑承勳員丞相張嘉貞郡僚陳懷志復有鄭子
春波礫近漢隸天寶戴千齡隸泐亦髣髴天祐碑已殘
猶存處直字神物想護持風沙未晦昧孤亭魯其西汴
宋鉅公製安陽將相材修庸手自記書泐逼平原過者
正襟視元之文章伯黃書亦秀媚區區五鬼徒鼎立有
餘媿祥符醮告文中斷瓦礫棄損者已可傷完者遂可
貴其餘元明刻凡俗不足計異哉飛來石明人妄題識
菌蠢斷碣材輒云舜所致紛紛巨倉流阜白倏倒置空
令好古士到茲三歎喟渾源自言高吾游姑舍是淋漓

翠墨鮮目驗亟藏笥

雪浪石

瘦削真空裏裏攜一拳價已抵懸黎山中大有纍纍石
不得坡公一品題

松醪手製滑如油石丈相邀共勸酬若準仇池韓幹例
也應換得幾驂驪

卽事

一宵供頓酒如池破費貧家萬戶賞算怪茂宏頻障扇
汚人塵自庾元規

眞定道中

偶趁雞鳴起
衰遲意已闌日高風力緩霜重樹心寒一

水滄沱繞羣峯紫翠蟠前游宛在眼泥爪忍重看

客有言蘇味道不當昌其後者賦此解之

四時鬼朴換匆匆羅織爭誇告密工此際楫棧已難得
不矜獬豸觸邪功

肥鄉道中

漳水南遷後孤城百堵新肥鄉仍瘠土行客本閒人
獸聽丁冬鐸難障堀堞塵泥塗知免辱不雨已兼旬

車中口占

金波穆穆恰當頭露重沙平不礙軒只侶圈篷船一葉
夜乘明月泛汀洲

百里行程未算遙老來筋骨怕翻搖生平腰恥爲人折
簸蕩誰知亦折腰

欠伸休道打頭低也有障塵布幔齊最喜淩秋連日霽
不煩泥滑竹雞嘯

堯山紫翠若爲容乘興居然欲往從從此南行八百里
更無峭蒨道旁峯

潭水秋枯一綫平廣平南太卽元城天教此老添詩料
畧補生平未歷程

題徐雲樵石鐘山圖

我昔揚颿左蠡過石鐘對面鬱巉峨三夏未聽噌吰響

披卷無端觸緒多

一記坡僊萬古傳清宵恍忽奏鈞天重開生面徐熙筆
山月湖風落眼前

潛研堂詩續集卷五

門人黃鍾校字

潛研堂詩續集卷六

嘉定錢大昕

哭褚宗鄭同年

六經家泐溯東京鄉壁紛紛笑俗生
禮有專師宗北海傳尋九旨演任城
品高僂覺官常冷學邃多應老夏成
屈指中吳耆舊少靈光何意又先傾

給札當時到鳳池青綾樸被數追隨
僦居恰占東西屋布算同拈黑白碁
幾輩升沈萍各散卅年邂逅鬢成絲
只期二老長來往忍聽寒風楚些詞

題顧樵水落花詩意畫卷

童時曾賦落花篇每向東風意惘然今日任它開又謝
此心已悟色空禪

畫意詩情想象閒底須粉本仿荆關雲煙它日重編錄
記取山人著色山

題徐友竹倣吳漁山湖山秋曉卷

絕妙漁山卷精摹友竹翁樹溪空結屋船小易颿風曠
蕩天機得經營意匠工畱題多鉅手搖落感秋蓬

謂沈彭兩

尙書秦學士澗泉程編
修魚門盛明府秦川

嚴豹人移居城東次西莊韻

一枝隨處寄壺公塔影雙浮老屋東休詫僭車無長物

祇因入戶有清風滄浪譚藝源流別彭祖傳經志趣同
袞袞書囊揆未了懸河直下瀉長洪

松陵唱和句爭誇小住圓橋水一涯臨頓自來高士里
蜀巖本是讀書家筆牀茶竈閒俱適掃地焚香靜不譁
生怕金閫太煩鬧此閒風土最清喜

題黃小松看碑圖

判牘有餘功訪碑無停晷尙友到古人翠墨雲煙委歐
曾趙洪後立幟江夏子古物聚所好不脛走千里金薤
文琳琅收拾斗室裏憶眺造高齋清閼爲我啟香廚一
縱觀如入五都市畫手數顧陸絹素那足恃何期東京

刻眞面歷可指法服儼冠劍禮器陳匡枕銀甕碧流離
甘露木連理靈祕不能藏一朝列棗几奇怪驟難讀過
睨師復喜合并知何年癖嗜畧相侶披圖宛晤對慚我
聞塵咫尺想見手摩挲比鄰招短李片石如能言風塵感
知已

謂李
鐵橋

錢叔寶謝湖艸堂圖

爲袁尙之作今爲
又澄上舍所得

汝南有畸人布衣起雄霸七賢黜山王百篇追陶謝躬
耕湖上田手闢竹閒舍著書石磬齋歲月自清暇吾家
罄室翁游戲點筆亡復有龍池生辯舌懸河瀉

彭山人
年他記

三絕競流傳水邨此流亞何年壑舟移神物疑久化眈

過三硯居展卷精采射爲言購自浙不惜兼金價魯弓
幸已得鄭璧無待假四座各歡哈浮白傾酒筮翰墨千
載緣合并天所偕回首金昌亭虹月照溪夜

和榕皋齋中櫟詠

撥鐙元小技指授要良師心正纔能妙鋒偏枉逞奇刻
藤槎幅幅霜影禿枝枝最羨襄陽米承家有虎兒

書

活潑墨縱橫煙雲眼底明山從心坎結花向筆端生奇
秀神僊骨枯寒逸客情右丞本詩老游戲得傳名

畫

何處移情去蒼茫海水淡七絃調玉軫一鴈落逢岑且
洗箏琶目誰爲唱和吟昭文今不鼓寂寥待知音

琴

覆罽評前史推枰記管塵角爭蠻觸地劫換古今人布
置須求穩翻騰要出新
旁觀徒裏手任爾局中身

某

題馮英泉太守秋缸補讀圖

儒林經濟非兩事
杞柢溪厚枝葉榮
秀才已辨佗宰相
節度卽是前書生
一行佗吏僂廢此
何異得飽忘耘耕
昌黎仕宦已顯達
白頭猶復親燈檠
書囊無底揆不竭
溪造自得匪求名
三山馮公古儒者
閩學傳授先周程
蚤年拾芥取科第
親民歷試多循聲
翩然五馬到江左
風行令肅巖百城
三吳首郡特俗寇
黃堂燕寢凝香清
盤桓鎔節人棘手
公獨游刃觀其成才
全學富心益細

一嘆四益無驕盈仕優而學詎虛語篝鐙猶記藿粥盛
珠墳笙典列左右吐棄糟粕塞精英許鄭韓蘇互嘲弄
一笑任爾蠻觸爭中令讀書半部少鄴侯插架三萬贏
文章須有碑名教經史自可致治平嚙予寡昧晚炳燭
仰屋自化秋蟲鳴願公恢宏經世學補袞三殿澤八紘

題費玉衡窺園圖

三載園林竟不窺廣川精詣果堪師由來艸木須多識
可是先生未學詩

生意窗前驗寸莖心田衍沃好栽培蘭成詞賦非吾事
且住園中撰玉杯

題陳樹齋提督聽雨圖

生長忠孝門，搗染詩書味。三十登壇驚一軍，緩帶輕裘
靜無事。英衛之武，虞楮文威名。儒雅兼一身，朝挽強弓
午揮翰腕力勁，欲回千鈞金貂侍從。三殿裏旌節輝
光又南指亞夫，詔許眞將軍諸葛人推名下士。偶然
寫意濠濮閒，濕雲半掩青翠山。茅齋淅瀝響疏雨，主人
宴坐冰雪顏。笙歌鼎沸世所好，不如倚竹一清嘯。琅玕
个个無俗聲，唯有靜者觀其妙。我侶青藤磊塊人，曾邀
幕府醉芳樽。月湖記得同聽雨，翦燭何時重細論。

題汪大紳摹鼻圖

佛海藏身已卅年蒲團宴坐夜忘眠吾廬畢竟空何有

冷笑區區戀愛緣

大紳自號愛廬因以調之

久從初祖安心境戲寫滄山驀鼻圖多事人牛強分別
要知佛性本無殊

夢泡露電任前因古佛居然見在身猶怕臨岐無把鼻
三生一念化文人

公案重重窠臼翻口頭容易擔肩難何當瘦貌知歸子

謂彭四尺木

傻當寒山拾得看

簡齋小疾作詩自挽并徧索同人輓章依韻戲

荅

楚客苟招計太遲符頭未到若先知小生近亦頻疴他
循例從公乞一詩

一朵青蓮舌尙存石城虎踞獨稱尊嗤它癡臥希夷窈
虛擲光陰養夢魂

浮休算把世緣空天意畱公要惱公未肯便宜放歸去
雞窠製就待詩翁

小園有菊有松梅輓住鸞輪不得回天上文星例相妒
此人肯放出頭來

題程易疇說劍圖卽用自題元韻

蒼翁先生說攷工臘廣手題桃氏劍平生所見七純鉤

規製盡同無少欠季子之子問阿誰未許徐君墓上占

孫退谷所藏劒朱竹垞定爲吳季子劒易疇辨其文爲季子之古人字季子者甚多不獨季札也攻金

良工久失傳百食何如取目驗俠客徒誇膽氣麤經師

但覺精神斂算言一呷偶然吹斗牛中夜光芒燭蓬心

他圖但寫意前圖王永州宸所他圖中無劒非指非馬夫何玷宋生爲

補第二圖後圖宋學博葆淳所他則有劒矣譚柄宅時畱鉛槧二年首

菴賦歸與畱行無力予心忝膏肓墨守待君箴欲覺何

由聽鐘梵願持通菴釋劒篇呼兒且他張文念

題竹柏樓居圖

爲袁節母韓孺人作

冉冉孤生竹蒼蒼歲寒柏小樓當其閒清陰照几席中

有高義女盛年守潔白十二能誦詩十五工織帛十九
相夫子家事佐繅劇洗手作羹湯和灰澣襦釋事嫡如
事姑相得心莫逆一朝喪所天挽髮榛笄尺坐臥只此
樓誓與人世隔有兒纔六齡足未出阡陌有女纏葆中
學語但啞啞保抱更攜持拮据手皸坼兒病母矜憐兒
慧母護惜衣綫皆親縫荻筆常自畫伶仃一老嫗衰髮
委半額相將蛩蟹依誰與訴肝鬲有衣但麤疏有食但
糠覈膏沐誰爲容簪珥久已釋寒風吼檐牙凍雪入窗
隙不知桃李華那識春秋易唯將淚洗面長此痛在噓
竹柏倘有知或能鑿疇咎荏苒十五年冬縣換夏給兒

長室已授女大對亦擇慈母設悅辰張樂將會客母曰
亟止止戲綵吾弗擇古稱未亾人豈空絢金碧撫孤幸
有成行將返大宅其秋果示疾屬纊來適乃知冰蘖
心已證人天籙哀哀純孝子涕泣念先澤繪茲竹柏圖
音容永無斃所傷左女亾孺人女素貞未嫁卒于室回首增慄擗屬
我紀以文彤管示規護我讀劉向傳淑懿輝簡策我瞻
武梁祠高行刻貞石絡秀興周宗宣文著秦冊敬陳竹
柏篇以續詩三百

題程易疇讓堂友教圖卽和其還山吟韻

黃菊正秋色先生賦言歸二徑想無恙肯與羊求違天

都高萬仞孤鶴任自飛九皋鳴已倦故巢聊可依

登山須登岱勿爲自厓反讀書訶玩物一笑丈夫淺有
書藏名山何用愁往蹇引疾辭一官心與白雲遠

我衰筆力鈍鉛刀割不任君如百鍊鋼純鈎初出鐔苔
岑臭相投共此千秋心一別會何期嚶嚶羨春禽

本是經人師元無溫飽志去住如浮雲恢恢有餘地儒
林今辯才文陳晉雄帥誰與登韓門庶幾續鄭記

同方坳堂觀察訪彭尺木居士

寒羶風味冷于冰故紙窗中一凍蠅偶被宰官引將去
路人也認在家僧

題王秋史二十四泉艸堂圖

方觀察所藏

東秦名泉七十二就中最勝稱廿四琅琊王生管卜居
傳是前朝閣老第艸堂已廢只圖存點染依稀化雪意
四時皆好獨畫雪冷澹家風與誰說黃葉詩名海內傳
剡谿游興心中結一官蕉萃坐無擅長物惟餘書畫船
此圖流傳換幾氏藏弄今歸方萬里名流題詠尙宛然
鬚眉如見王郎子歷下亭白雪樓文章但足垂千秋其
人雖逝神長留卽今沛南名士有公在珍珠泉水終古
無盡流

重二題金二雅禊游圖

合萬古壽書日山刻今

重三禊飲尋常事一序能令萬古傳
舊日山陰今笠澤鱸魚鄉裏住神僊

誓墓區區憾未忘那能泡影任彭殤
後賢見道勝前輩天朗風和趣夏長

題袁實堂載書圖

不載黃金只載書秋風未到賦歸與
南湖煙水遙相待詩老今年合遂初

題唐立方進士遺像

好潔倪元鎮工文柳道傳嬾成名
士癖悟得小乘禪賞猶前度儀容邈
管年空餘故交淚灑不到重泉

名已登千佛心還薄一官腰圍憐沈瘦詩格得郊寒柳
意垂垂禿荷香冉冉殘池塘畱小影那忍更重看

范菘亭自題瓊天室集禊帖字索和

每于禊日集清流觴詠當知此室幽山氣有無觀一一
竹林長少盡脩脩惠生取樂能同物向老隨時作暢游
曾與春風羣列坐流年俛仰感因由

天一風流有後賢放懷觀物自欣然臨風會豈殊稽向
仰古文期述固遷視聽之閒咸快事山林以外得長年
人生樂地隨時足和曲同時當管弦

題籀石宗伯仿沈石田花卉冊

九秩地行僊揮豪妙自然竹含太古節花悟見前緣蓮
腕青松勁銘心白石傳區區工設色冷笑老黃筌

得畢秋飄尙書札卻寄

曳履星辰一品崇南條萬里建牙雄文章遠溯周秦漢
勛望眞侔衡華嵩勒石楚江傳杜預編年宋史續溫公
書披案牘宵鉛槧總在精神籠罩中

車笠窮交分已懸手書慰勞荷年年時晴亾展義之帖
肆好先吟吉甫篇每爲著書商義例偶因攷史偕陳編
謝公羣從多才子負笈慙無腹笥令姪曉山孝廉從予游

遼吳竹嶼舍人遺詩畢感舊有作

身到絲綸閣上頭，煙霞痼疾未全瘳。
輞川園好畱人住，白傅詩成放客偷。
青紫那如名士貴，漆膠獨與素心投。
篋中遺藁新排就，寂寞黃墟尙憶不。

白桃花和張止原韻

洗卻燕支換素襟，元都重到客沈吟。
魏家小妹朝天面，姑射僊人出世心。
曦雪怕教千日醉，施朱何取十分深。
當年坡老如相識，不道漫山俗到今。

題吳竹堂墨蘭

湘中九畹託根深，溪移到閒窗伴苦吟。
領畧此中真臭味，天涯難得是同心。

王西林秀才丁堰覆舟戲爲絕句

波瀾翻覆訝匆匆吸盡西江一口中寄語王郎休斫地
從來落水有三公

始信陽侯亦愛才得君詩藁放君回當年眞悔王文考
不把靈光擲水來

茅檐暫換野人裘豆粥居然續命湯白甕黃蘗消未了
寒泉肯伴水僊王

題潘榕皋水雲圖榕皋嘗夢見董思翁舟中他
書并舉彌陀經語二林夢樓題詩因有援以入
佛之意作此解之

三絕香光有替人夢中口授幻耶眞要知文苑儒林客
總是千年不壞身
復性三篇繼孟荀習之文與退之倫偶題雲水天瓶句
認作傳燈錄上人

送汪稼門方伯之任甘肅

旬宣分陝控伊涼南國人攀召伯棠土脈高寒甘雨潤
河流環抱溯源長立身峻壁臨千仞凌物慈雲庇十方
清徹玉壺心迹侶畧攜琴鶴當行裘
九遷稠疊奉恩綸未改書生面目眞
齏菜相中尋臭味燃藜燭下見精神
關西清白堪貽後涑水勛名豈異

人話別匆匆重折柳送公遙踏灞橋春

邵松阿舍人七十

吾谷三峯翠黛聯此中合住地行僊紫薇 詔艸三千

字紅藥詩名四十年

紅藥當階翻松阿
試舍人院詩題也

泉石得公爲領

裏詩書有後付覃研吳都文粹誰人續試載先生卻壽

篇

松阿辭賀生
辰啟甚工

同出南豐一壽眞

君鄉試出長清曾公房子
亦曾公薦爲試官所黜

白頭感舊

話酸辛墳簾共羨洪文敏圖畫今歸白舍人老尙著書

元是癖性非諧俗偶忘噴蘭亭合準義之例觴詠重逢

癸丑春

次在替人題中口對以湘詞要賦文賦謝林容

盧召弓前輩寄重游泮宮詩索和

泮水塞芹日低回六十年歐陽真學士鴻一老神僊室
記循牆入鞭驚著手先薇垣芸館彥若箇敢幾肩
五色雲開榜三甄日暎階官清貧亦樂名重退逾佳長
物青擅在殘年縹帙排然藜間太乙曾到讀書齋

教衍河汾緒文揆洙泗源素心爭柏勁和氣得春溫不
朽文章貴常惺道德尊白頭顧衾影不負聖人門

和潘榕皋移居

列僊儒本愛林棲鼓吹何曾羨竹西獨樂一園開涑水
游山八記擬愚谿濠魚共識人心樂指馬都忘物論齊

青翠支硎知不遠紀行處處姓名題

題熊謙山曠然有我圖

高人戲問形神影古佛都忘來去今一笑掀髯成獨往
曠然如見自家心

聲聞緣覺強爭論萬法都歸不二門爲問如來無我相
云何也指我爲尊

間述庵致政南還之信

溫詔欣聞下九天歐陽眞箇許歸田遂初久識心如
水勇退方知骨本僊綠野課耕此亦穩青門祖餞異時
傳十年宰相何須羨煨芋山中自在禪

秋晚訪述庵司寇三泖漁莊因同訪圓津禪院
慧昭上人卽放舟游佘山適雲閒汪西邨張坤
厚金冶昆仲亦至偕入王氏園登皆山閣久之
復至天馬山登周氏山舟堂還抵萬壽道院道
人雪颿畱飲歸途得詩四首

石湖亾報范公歸容得谿翁畫款扉菊爲秋淡香更厚
蟹當霜後味偏肥文章真到歐曾壘經術還傳鄭服衣
一榻高齋畱小住翦鐙話雨重依依

滄江共載米家船咫尺東余一宿緣萸泝椒園粗結構
欖鞵竹杖小畱連鉞鉤猶膈尙書字祕笈誰揆處士編

頗喜參參偕入座聞香且證木犀禪

客來不速恰三人天馬峯前共泛艫杜老酒徒招旭白
蘇門文字得黃陳山如秋意含沖澹詩有天機到朴淳
重過山舟舊池館雪鴻指爪話前因

行窩隨處足襄回身語鈴聲次第催丈室靜繙經貝葉
羽庭畱酌酒螺杯誰能榮世兼名世公是僊才又佛才
涑水縱題園獨樂不妨真率故人陪

題獨立圖

獨坐近于傲獨行過于勞不如楚騷人獨立雲中高東
坡本謫僊少陵亦詩豪尙友千載上招手同游敖

題吳玉松除夕游山圖

閱世恆河沙俛仰無盡意四時一刹那迭周孟中季浮
生有底忙達人澹無事款門得素心游山聊興寄虎邱
脂粉場忽露本色翠寒風送松響勝聽兩部吹无營亦
无著僊佛豈異類是爲安樂窩見在在非僞物勞我自
閒人欲天許遂東坡臘日游千載風流嗣

趙文毅兕觥詩爲者庭明府賦

元老不佞孝詞臣偏上章千官慙仗馬一角儼神羊魏
笏驚无恙荆弓自不亾忠貞畱口澤什襲有輝光

宗器陳非偶文孫淚暗潛題詩徵秀水懷寶自尼山白

壁仍歸趙黃金欲鑄顏紛紛炫青綠屢鼎重人間

題熊謙山紅鸞香稻圖

天冠山高幾千丈紅鸞下浴湖水香金谿一脈演江右
巽堂俎豆生輝光有巖嵌空出石井神漢自溢天流漿
眞源不從穿鑿得溪洞疑有蛟螭藏決渠股引灌溉利
百頃穰稔秋雲黃雞棲豚柵趁墟集考亭詩句今猶芳
先生蚤年讀書地河洛太極揆津梁藜粥僅給范文正
秫田自穫陶柴桑一朝成名登省闈經畝僂獲千斯倉
守郡歸裘載廉石板輿奉親客豫章枌榆故社宛在睎
彈指十二夏星霜畫圖仿佛記管夢某邱某水游釣鄉

三吳人望化霖雨眞儒志豈謀稻粱講學詎生分別相
濟世要儲和劑方名山鍾秀定非偶鳶湖紫翠長蒼蒼

潛研堂詩續集卷六

門人黃鍾校字

...

...

...

...

...

...

...

潛研堂詩續集卷七

嘉定錢大昕

題江南名勝畫卷十二首爲熊謙山臬使作

繖嶺棲霞

一峯如紫葢秀甲江之南巖石自峭蒨雲木相參覃捨
宅記僧紹勝地開精藍鐘魚相應答禪悟無俗譚傑閣
占絕頂攀藤試窮拔羣峯列一一蓮萏含傳聞撮
生艸偶見優鉢曇二秀如可采持以貽彭聃

玉冠萬松

亭亭玉冠峯卓爾聳萬丈江流畫檻前人行飛鳥上十

里蒼松陰手種何年昉得非貞白栽曾否僧紹賞高樓
敞三層入夜波濤響不爭桃李榮自受煙雲養歲寒心
自堅直榦世共仰芘蔭及萬夫甘棠庶可仿

靈巖石鼓

吳山多平衍茲峯獨削成卓立于花塔百里若送迎管
時歌舞地花艸依然榮洗滌脂粉俗乃得真而呈石鼓
儼在懸想像韶鈞鳴具區三萬頃一色玻璃明琴臺撫
古調洽洽移我情羣真雲外指餐霞共長生

鄧尉香雪

梅花如高人可望不可卽一枝竹外斜清芬味無極誰

知光福里乃有眾香國目眩光明海身到水精域多多
斯益善靈異邈難測得非主林神吹噓大願力造物無
盡藏如來不住色有鄰道不孤可悟君子德

石湖天鏡

管間范文穆結構依激湖樓懸天鏡榜放眼收全吳分
明大圓鏡簸弄牟尼珠清磬出上方彷彿游僊都手編
梅菊譜述佗師自娛薙林與盤圃未若此地妹政績在
廊廡詩名播海隅榮世仍壽世毋乃佞僑徒

洞庭疊翠

林屋僊人居洞天列第九宛委祕靈文間有眞官守縹

紗與萁釐雲中若招手其餘七十二拱指儼賓友面面
碧琉璃洗刷了無垢幽揆穿洞壑攀躋捫星斗金庭若
可通石公亦有耦置身千仞高是以靜而壽

九峯三泚

三泚平如鏡九峯澹于螺游目頗清曠賞音在澗阿數
家成邨落意到皆行窩煙中客雙屐雨後漁一蓑天風
送梵響林杪聞樵歌俯視鷗鷺羣拍拍浮滄波平遠自
蘊藉奚必窮嵯峨知仁山水樂會心豈在多

惠山九隴

縣延西神峯九支勢相屬竹樹暎僂娟半空皴眾綠尤

空雨後看青螺髻新沐中有第二泉涓涓噴珠玉一勺
清而甘未許中冷獨竹鑪試頭綱活水候初熟兩腋清
風生可浣塵萬斛何用遠求僊武夷訪九曲

金焦雙峙

方丈與蓬萊渺在滄海外豈若金焦山只隔一衣帶兩
兩青芙蓉天然謝藻繪古鼎文離奇中冷水淅沛竹徑
延清風松濤吹眾籟指點大江心颿檣南北會柱石砥
中流凜然見風槩洞天一品尊欲下元章拜

平山高詠

平山一簣地畱顛始歐陽羣峯隔江外放眼青茫茫龍

蛇壁上字千秋鎮蜀岡後來蘇玉局持節臨維揚醉翁
翰墨在拂拭識不忘兩公人中豪經濟兼文章今識鉛
山翁眉宇真堂堂祝公繼前哲姓氏同芬芳

鉢池丹鼎

王喬管學道于茲煉黃芽驅使風雷力嘘吸日月華丹
成得度世輕舉乘紫霞至今巖岡色澹赭如蒸沙井水
日三變光怪圖經誇神僊迹豈幻感應理不遐福星照
一路生全千萬家功德不思議食報那有涯

雲龍放鶴

髯蘇本天人下界偶游戲黃樓賦落成臨事見經濟天

驥古逸民雲龍此靜憩胎禽任所如太來了一不計兩賢
契相投一記重弈世羽衣夜吹笛風流若髣髴翁今
大蘇文采後先繼請歌鶴南飛以侑使君醉

題陳東浦方伯詩藁

幾人學杜陵但取優孟佶大瓠中呶然塗飾外觀美聲
響多雷同師悅箏笛百先生冰雪心苦吟悟至理語言
文字外澹泊有餘旨持比浣花翁太膚得其髓

桃李競穠冶變滅隨春風昵昵羅綺語惜無丈夫胸改
絃以淺俗矯枉又失中雅頌風同源未可薄彫蟲節性
導以正清新出無窮劔南有遺言無人愛始工

題陸豫齋蘭亭卷

蘭亭禊游人已往畫圖千載今猶存
四十二人鬚眉古雅尙自覺山林尊
右軍中年先墓誓脩竹茂林性所嗜
揚州鼓角任喧闐何異蛙聲兩部沸
賓朋子弟相招攜曲水流觴列坐時
吟固欣然罰亦喜胷中要有無聲詩
人生所遇皆陳迹後視今猶今視谷
于巖萬壑秀依然只愧眼前無此客
豫齋好古慕古賢置身宛在稽山間
科頭宴坐託末席未敢僂拍洪厓肩
永和至今一旦暮觴詠畱連有同趣
西谿倘續雅集圖把臂入林記良晤

蔣立厓以虎邱和東坡韻詩見示因次和

此山如蘭亭清流帶峻嶺一罅穿雲想往來占井井綏
汲長不枯下拜笑漢耿或疑盤龍虬何處容蝦黽莊嚴
大士像宴坐伏癡礦持此慈悲心不退力何猛摩挲熙
寧書筆陣各雄騁姓名隱見閒別蘇寄酸嘍輕塵弱艸
棲千秋只俄頃山靈閱人多胡盧齒欲冷

石觀音像宋人所造三面

刻菩提門品經凡九十餘行每行下刻書人姓名大率皆熙寧朝士也

獨凌眉山翁斯文日

星永鴻瓜偶畱題如寫春山景我衰久廢詩舊游記塔

影二徑如可開所願不敢請

塔影園立厓族父辛齋別業予少時文讌之地

籜石侍郎輓詩

一道還鄉水清兮鑒白髭童知迂叟字客誦醉翁詩慘

澹文星墜連蜷古木菱虎闌曾侍直惆悵失人師
憶管瀛洲步追隨老弟兄得書常互偕置酒輒同傾一
別分榮悴千秋隔死生篋中長短札檢點獨傷情

題何夢華滌碑圖

能于漫字中尋字始信今人勝管人一斛清泉三尺帚
誰知瓦礫有金銀

蘇臺柳枝詞

不與桃榭鬪世妍依依長傍曲闌邊浮萍散後無消息
冷落春風又一年

一縷游絲自翦裁漫天他絮豈無才偶然縮作同心結

生怕東風觸撥開

張緒風姿沈約腰三眠三起鎮無慆生來不住黃金屋
禁雨禁風十萬條

紅板橋頭水蔚藍攀條有客此停驂江潭蕉萃今如許
曾記移梔自漢南

袁簡齋八十壽詩

天與先生福慧全文章經濟又神僊蓬萊小謫三千歲
湖海新詩一萬篇科第校量皆後輩雲山供養有前緣
謝公墩下園居好日涉多應勝少年

乞假鸞坡得麗華白頭猶共鹿爲車兒童盡識眞才子

朝野多推老作家未澹名心還刻集要尋樂趣且看花
魯陽自有揮戈手未覺桑榆影欲斜

八十依然五十翁蠅頭細字老猶工游行自在天機足
怖畏全忘佛力窮許劭人人歸月旦香山處處畫屏風
四朝舊事知多少總在傻傻腹笥中

上巳風光閏後新蒼松也喜住三春游山爲避稱觴客
娶婦還添詠絮人角力狡狴無敵手遯形蝙蝠或前身
攝生那要棲霞艸自把詩書鍊骨筋

鰲滄來州牧施粥圖

東婁澤國苦秋霖忍聽嗷鴻待哺音冬律已回鳩鵠面

春風如到卷施心十方佛力能兼護萬井童謠試細尋
轉肥舖糜論口數屠蘇新釀再三斟

偶然水旱在堯年尺一溫言下九天貸粟兼叨仁
者惠捐金獨荷使君賢炊煙起處鳥爭集梵磬鳴時佛
俗緣富相功名規異日青州荒政已先傳

述庵侍郎招同袁春圃潘榕皋宋汝和蔣立厓
周漪塘費在軒王西林張農間袁又愷戈小蓮
徐佩雲集塔影園小飲卽席得句

謝公雅尙在巖阿蔣徑開時載酒過客以知心寬禮數
天畱暇日許婆婆西山眞見羣僊會北郭重招十友多

莫道尋常文字飲德星光已曠銀河

綠水橋邊滑笏分恆河照鬢白紛紛蚤年落拓魚同隊
晚節軒昂鶴立羣志出雲霄纔化達味歸菽粟始成文
一宵袞袞諸公語俗與中吳續紀間

送方坳堂觀察之申浦

又攜騶從向江鄉申浦潮聲接渺茫道在可忘軒冕貴
心閒那覺算縉心五苜雲起迎征旆三泖風平趁急裝
話別不知三伏熱使君胃次本清涼

扁舟載雪訪枯禪彈指前塵又幾年芟黍喜霑郇伯雨
冰心欲酌隱之泉吟詩滾夜髭應斷學道平生骨本僊

想到官齋初月滿玉壺清澈靜中緣

到家偶成

娟娟玉雪有童孫聽說翁歸競候門
檢點書籤蛛網結
安排茶竈蟹波翻牽船坐勝張融屋
妨帽睡行庾信園
鄰里盡知吾習嬾更無剝啄巨桴喧

澹泊從人喚老慳一簞有味亦晞顏
吟髭未斷無佳句
游腳先學負好山頗愛雲霞多別豔
但求歲月得優閒
門前五柳枯成腦曾見先生倦蚤還

巨齋

無端曠曠學齋丞對面招呼輒不磨
萬籟都空唯有我

六椀漸斷已如僧
蟻牀牛鬪干誰事
蚓竅蠅磬任爾矜
除卻加餐酣睡外
商量此老更何能

春日

寂寞三家市娑拖一老藤
訪花先約伴問渡或逢僧
懶欲陳魚富狸無捕鼠能
稍欣春雨足宿麥潤千塍

題陸生學錦幽篁獨坐圖

篔簹千个影離披
抱剗長吟有所思
穠李夭桃皆俗物
素心只許此君知

丙辰孟冬朔本縣舉鄉飲禮忝預賓席口占呈
當事暨同飲諸君

僊合采風修古禮

李明府
綏齋

師儒諷日啟初筵

劉廣文
南谿

衰

翁本乏專門學親演高堂第四篇

每曲當碑聯櫛行勝它洛社會耆英相逢不用寒暄話

竹馬兒時好弟兄

謂沈席
之表兄

九十申公老學專卅年曾此領羣僊白頭鄰叟誇人說

再見渠孫指讓年

先大父奉政公于乾隆戊寅
舉鄉飲大賓時年九十有一

眼昏齒脫竟何裨難向恒河認鬢絲未老幸從大夫後

來春已是杖朝期

七十杖朝
見祭義

同人枉和拙詩幾及百首疊韻荅之

歸田倏又廿二載設席叨居西北筵七字偶然鳴蚓竅

嘉魚引得若干篇

泮水當時采藻行成童何幸踵羣英

余年十五入學

而今衰髯

渾如雪先酌居然占伯兄

介賓王榮曜齒長于余

蠹簡研尋枉自專鈍樵何分會神僊杜韓兩集從頭讀

恰喜相同本命年

杜韓兩公俱以戊申歲生

橐筆登朝那有櫟枯楊已老不成絲喜聽擊壤鄰人語
大好耕田鑿井期

丁巳人日七十生辰漫成四首

人日生朝恰立春歡生七十白頭人身如散木何妨病
家有奇書未算貧嬾志夷堅排甲乙怕繡雲笈守庚申

桑榆莫道垂垂暮也被東風拂面勻

脫卻青衿入紫薇詞人異數古來稀五雲多處身曾

到三徑開時客蚤歸鶴禁鸞坡天上夢秋菘春韭

眼前肥生平所遇無荆棘想爲心中不設機

屈指田園樂事偏了無絲竹到堂前歐陽集古一千卷
洛社閒居二十年貧戀脩羊人問字書慚紆蚓客攜箋
本來面目粗能記不向曹谿學坐禪

新春羅列五辛盤兒女殷勤勸一餐彈指卻驚前輩少

側身想到古人難吹簾兄弟眠牀對載酒生徒立雪寒

生長太平全盛日巢林小鳥亦知安

揆梅

古瘦會誇第一流
冰霜過後弄和柔
梅花也學嬌桃杏
不肖衝寒便出頭

題吳香巖詩藁

季重才名久宗元
隱遯高論詩守圭
臬寓興近風騷澹
若雲生岫清如水
翦刀試看篋中佗
心折次山蒼

還家

且飽家常飯
睡爲遣興吟
菜莖都似劍
茅秀欲成針
添線風鳶健
巡檐鐵馬音
兒童纔散學
上樹捉巢禽

東浦方伯枉過寓齋卽用集中見贈元韻

憂樂希文志精滾子美詩心如漱玉潔名與落星垂屢
辱高軒過常聆妙德辭義門清望遠親炙又今茲

洞庭樵詠

三江百瀆水趨東咫尺神山路可通算信道書標第九
靈奇直欲冠寰中

地肺爭傳宛委名溪冬不憚攝衣行靈威與我曾相識
先遣白雲洞口迎

三洞玲瓏一竅分天畱石室護靈文羅浮東武何由到
除是當年墨佐君

皓月當頭洞不緘曲肩曳足入空嵌少年濟勝真堪羨

秉燭公然到隔凡

謂瞿堦鏡壽
次兒東塾輩

白家宦況太蕭然怪石區區寶一拳若得此山佗提舉

也應鐘乳聚三千

林屋洞中
多鐘乳

道隱園中竹樹疏石湖伯仲鴈行如擬鈔賜谷題名字
補入東王西蔡書

爲慶名山最上層非關投老欲依僧上人倘肯招房客
我豈不如麩信陵

東鴨西鴨聚湖尾南鳥北鳥落湖心翠螺八九若離合
中有僊人何處尋

磊落嶽寄第一流森如鶴鶴聚沙洲石公自慶波心立

不慕人間盤固侯

思黯園中甲乙陳仇池孤絕自言珍雲樾鑿斷天機損
此是長生不壞身

山青月白水冥冥大士潮音儼見形卻笑中吳小兒女
三春只解禮支硯

身如猿狖綠毛攢三百行年一指彈冷笑門人七十二
石壇欲當杏壇看

蔡僊鄉下小徘徊曾記方平絳節催未得麻姑一搔背
可憐鞭已着身來

肌骨都消五藏存六年重換玉顏溫神僊侶此誠堪樂

角里先生幾葉孫

霧鬢風鬟別樣姿十年重見涕漣洟秀才縱使心如鐵
肯伴尋常濯錦兒

綠蓑青箬樂如何一葉中流快侶梭欲乞蘭香三薯蕷
此生全不怕風波

玉樹詞人此地理南楊銘誌刻山厓須城學士登科蚤

世上人偏信遜齋

遜齋閒覽載梁顥八十二中狀元容齋隨筆辨正之蓋梁實少年狀元也

今傳奇言施狀元晚達亦此類

綸閣歸來筆未枯搜羅長語志姑蘇十年宰相山中住
嗜學依然是老儒

桑畦橘市水周環人在山中不見山婚嫁自來多近局
朱陳風俗在人閒

小鼉東下卽長圻野鶯驚人拍拍飛休道寶山空手返
載將夜雪一船歸

冬日山行

寒林亦何有葉禿剩空枝頗侶江淹筆積唐才盡時道
門先太秦禪律蚤除癡安得營邱子丹青一寫之

靈祐觀

神景三唐舊天禧榜特夏書藏雲笈富境想玉虛清香
火今非管湖山澹有情睨中釘未拔太息認銜名

石刻中書

門下牒題銜云守司空兼門下
侍郎平章事而不名者丁謂也

石公山

磊磔雲根露紆回蘚徑長真形從古嘗靈氣到今蒼未
列奇章品終逃巨嶽綱算輕蚱蜢石積厚久流光

一片雲垂幃千年石作閭至人觀自在妙理契真如聽
泐靈鼉拱飯心怖鴿居應聲隨感是何待叩鐘魚

洞旁有石

凸起以小石叩
之聲如木魚

潛研堂詩續集卷七

門人黃鍾校字

潛研堂詩續集卷八

嘉定錢大昕

范文正公祠

義田遺澤尙如新古貌依稀佛地人
老子詎矜兵甲富秀才曾耐粥藿貧
未登宰相輸琦弼已到眞儒繼孟荀
詩禮趨庭多濟美勒名黨籍又嶙峋

西泚光祿輓詩

海內知心有幾人垂髫直到白頭新
經傳馬鄭專門古文溯歐曾客氣馴
勇退較予先十載立言垂世已千鈞
蛇年難輓名賢厄腸斷新春只兩旬

臘月二日下世
立春僅十有七日

館閣才名第一流再遷已到鳳麟洲未登人齋公孤列
自愛儒林姓氏畱文社廉夫評甲乙史編孫盛續陽秋
孝先溫飽知非願卅載煙波汗漫游

四座高譚膽太豨東方玩世住人閒蚤年說佛希摩詰
晚歲譚詩重義山天俗金篋完老眼人誇玉骨尙童顏
誰知蛾術編鈔畢不得溪寧手自刪

肩隨游釣夙齊名秦贅相依倍有情已慟人琴亾子敬
謂鶴何堪桑海失方平潘楊密戚無同輩嵇阮偕游付

隔生重到艸元亭上住懸河那制淚珠傾

用東坡涵星硯詩韻題潘榕皋易硯圖

我筭游端谿古洞捫七星又嘗飲鄴下太行削翠屏寶
山來往但空手不見鸚鵡活眼睛老來蛇蚓任塗抹師
曠強學離婁明安仁好硯有硯癖石交能佗月旦評以
硯易硯出新例睨柱向壁毋交爭一方蕉葉忽入手亟
拓四面紅牕櫺撥鐙大字腕力勁解衣盤礴人皆驚東
畚今僧繇廿年以畫鳴滲墨寫其事林壑紛縱橫寓意
不留意豈獨雙陶泓花橋水閣且痛飲銷寒一斗何辭
傾

題吳蘭雪新田十憶圖

莫問千年蟠桃且提一壺春酒許掾全家神僊大人毋

乃金母

花院奉鵲

西江詩派奇古東鄉山色清嘉獨立蒼茫自詠主人疑

是浣花

艸堂尋句

遙山一朶浮青方塘四圍浸綠偶然信步忘歸春意隄

前自足

柘塘春步

誰道秋容冷澹渲染紅樹青山寄情懷葛以上置身廉

讓之間

蘇山秋望

生憎戲蝶窺人頗喜閒鷗伴我相親相近何嫌獨往獨

來皆可

石谿鷗伴

紫蕉葉底對酌碧桃花下聯吟記取花滾滾曲海棠開

後如今 蕉葉茗話

人望元方季方天才原甫貢甫無端一翼先摧孤負對

牀風雨 桐屋讀書

竹外一枝大好隴頭千樹無雙白下吳中看徧清香卻

在西江 煙隴接梅

且脫王鞅裴繒那問郭椒丁犖橫笛自吹自吟生來不

識徵角 牛坳吹笛

分秧先須種秫戴月偶出荷鋤枉卻饑驅乞米下溟自

有田居 稻田聽水

題熊謙山臬使江春曉鏡圖

春城澹蕩翠有無春水活潑雲糝糊桃李願依狄仁傑
風月獨占楊廉夫公心如鏡含春色生意滿前逗消息
物來自應太不畱紅紫紛紛無著迹姑胥城邊民物恬
新聲不唱阿鶴鹽但見曉山爽入戶朝天萬笏青排尖
石湖四面春演漾凌花亾放光一奩此鏡分明照今古
與物皆春游樂土晴雲出岫本無心吹到三吳作霖雨
此心但如不繫舟鏡中來往皆安流

王拙庵太守大字千字文真迹其家人珍祕之
後忽失太元孫柏厓縣尉百方購得之屬賦詩

紀其事

前賢手澤壁竄書過眼雲煙百載餘偶俗呼盧袁彥道
居然完璧蘭相如寶章想有六丁護翠墨仍爲什襲儲
夏美文孫守家法筆蹤彷彿撥鐙初

題袁介隱遺像

胷中本無城府眼底自有雲山風流嵇阮以上馨望尉
顧之間

飯顆山頭老杜白鶴峯下大蘇展卷依然古貌問名知
是潛夫

開徑且栽五柳卜居恰在半邨中吳有此耆舊不媿臥
雪之孫

謂介何妨漱石謂隱不礙讀書屈指汝南世澤清風三
百年餘

題沈石田碧山吟社圖爲秦小峴觀察作

九龍山前有吟社十友題襟杯共把風流直欲繼南皮
眞率依然學司馬吳中高士白石翁人物點染意匠工
老年展卷再題字雪泥指爪驚飛鴻碧山回首已陳迹
豈獨尊前無此客能史閣中蒼峴詩珍重斯圖等球壁
楚弓偶失今得之延平劍合洵有期主人杖屨浮太白
縱筆自記瓊瑤詞粉墨流傳三百載寒具纖塵不曾浼
手澤重歸淮海家雙孝門風今尙在西園摹本多失真

斯圖清勁妙入神衰齡一見氣僂旺直欲尙友當年掃
石顛詩白髮人

題唐陶山明府岱覽圖

岱畎寰中秀圖經手自編

君曾編岱覽行世

羣山收一覽五岳

獨居先指點寅賓日心依丙舍田

太夫人墓在山左陶山

吳門天

咫尺白馬望依然

憶管乘輅日鴻泥倏卅秋

予于乙酉同曹地山祭酒典試浙江有登岱之作

唐

碑曾暗讀酈注亦尙搜髭髮驚非眈雲煙不少畱盪胷
豪氣在讓爾畫圖收

題唐陶山松陵十二景册子

手譜圖經又擘箋誰言墨綬不神僊畫簾判牘無它事
釣雪灘頭一放船

鱸鄉一望水盈盈訪古懷人各有情寫入圖中全不俗
谿流都學長官清

題黃小松郡丞得碑十二圖

平生未有和嶠癖佻吏偏于孟母鄰一輛芒屨一雙眼
天將金石付斯人

石室遺文甲乙題紫雲山迴吐虹霓笑它嗜古洪丞相
足迹何曾到濟西

奇文每出歐洪外正史能搜馬范遺它日續圖知不少

相逢還擬再題詩

謝金圃侍郎輓詩

一杵直受 九重知岑賈揮豪到鳳池丹地回翔雄史

席青宮講讀得經師主司隄力今滾甫吏部文心管退

之太息黃楊逢閏厄單闕

於虔切

孟夏日斜時

五色何曾睨眩明手栽桃李半公卿摩登有障難成佛
春夢纔過侶隔生著述名山爲老計苑枯末路見人情
修文天上應畱悵不得桓榮佗五夏

送熊謙山方伯之任滇南

滇南行省待平章吳下攀轅夾道芻卿月在天元共照

光風漸遠意難忘
驪駒將唱邀浮白
竹馬爭迎入點蒼
萬里旬宣功不細
試教蠻徼樂耕桑

盧抱經學士輓詩

抱經古君子貌古如其心
通籍五十年依然雒生吟
大廷陳時政一鳴驚朝簪
虎闈詔勸學日獻邪蒿箴
永叔眞學士子幹今儒林
歸田夏無事抗顏集青衿
文掇蒼雅始理悟紅爐滾
撼樹羣兒詢問字弟子尋
藏書數萬卷手校細酌斟
汗青竟可寫落葉掃勿侵
老矣生事窘炊煙冷竈竅
唯有觀書睨了了分棘鍼
忘年與我交謂若苔同岑
公如老曹憲公有廣雅疏我慚旨杜欽
何期單

闕歲遠間服舄音秣陵書未答

臘月得公金陵札是日訃至

少微星

倏沈公歸自脫屣我淚徒沾襟西望檣舟亭浩劫感古

今

公卒于毘陵旅次與東坡先生同

題關山雪騎圖扇

老矣登山恹山居但掩關看人騎瘦馬踏雪度重山

題唐陶山荆南十二景冊

荆南吾舊游蒼翠常在目善卷數疊雲罨畫一谿淥孝
侯橋尚傳華嚴碑可讀把釣記任公買田羨玉局僊令
唐公房于茲騁遐躡二年輓不畱口碑在巖谷松陵今
劇邑抱案無畱牘暇烹陽羨茶仍續平園錄兩地共謳

吟來公皆吾欲何以寫清風臥游十二幅

和范芝巖編修移居元韻

久辭芸署托巖棲拄笏長看爽氣西卜宅恰鄰任晦里
尋山暫上白家隄從游載酒斟雲液舊友敲門話雪泥
茅舍玉堂皆足樂南華物論本來齊

題泐時颿大司成詩龕圖

丈室蕭然絕點塵渾疑金粟卽前身春風桃李新栽徧
誰是傳衣得髓人

白傅匡廬曾入藏楮公彌勒亦同龕先生勘破詩三昧
挂角羚羊妙獨參

題泐時飄梧門圖

歐九文章冠列僊寒鐙畫荻憶當年碧梧幾樹亭亭影
不讓三槐植屋邊

太學三年誨俊髦登龍濟濟立青槐棘門兒戲蓬門陋
爭侶梧門百尺高

題織雲樓詩集

霓裳同詠大羅天

予與丹穎方伯
甲戌同舉進士

傳誦秦嘉唱和篇留

得管彤相授受一家兒女總詩僊

八病雙聲析蘭絲淡閨亦復有巖師左家嬌女王家婦

黃絹爭顛絕妙辭

頻年詩社結吳閩得見君家最小郎

謂笠人文學

卻笑瑯邪

王子敬尙煩道蘊解圍心

題宋汝和觀察竹梧清嘯圖

圖係少年時所繪

一賦梅花記廣平人如玉樹謝庭榮卅年重照波斯影
心地依然水石清

蚤歲牽絲秩九遷甘棠到處頌聲傳心紅官印紛羅列
畱待門生諧記年

白雲出岫暫時還冰雪重窺鏡裏顏紅杏天然賞真色
不將絲竹鬧東山

平泉門第本清佳絕妙新詩手自排官樣些兒全不帶

竹梧影裏舊圭齋

文網庵荷笠圖

衡山文獻後石隱想清風
譚偕松枝拂詩吟飯顆工
一筇青筍笠幾蓋碧荷
筓身世何須計江湖喚長翁

題王秋塍明府龍門攬古圖卷

緱氏有僊令家世出子喬
詩名鮑謝伍政績邱何高山
水耽奇癖金石敦素交
嵩嶽兩室峙伊闕百仞標
北顧撥王屋西行窮二嶠
管賢登覽地往往回鞭梢
龍門況不遠紫翠如相招
嗜古黃叔度小松千里來游
翺廿載車笠舊合并條
今朝折簡返儒衡武虛谷聯騎崇山椒秋高

石骨露葉脫風刀刀溪洞穿地肺孤亭聳巖腰奇絕丈
八像鐫鑿齊隋朝字體樸隸楷筆蹤辨分豪歐趙所未
錄一一歸瓊包石丈倘解語邂逅慶所遭茲圖洵可傳
潑墨裘生綃郵筒忽遠寄快若背癢搔安得生六翮相
隨陟岩堯

汪杏江編修五十

廿載才名館閣傳宮師踵武引斜川心超卿棘公槐外
悟到天雲餅水前一室化城游自在全家福地住神僊
嗔非今是休分別指月何曾兩樣圓

湯雪樵五十

五柳門前綠意舒，筆牀茶竈久相於。
碧雲閒擬休公句，玉筯爭傳李監書。
大布衣輕俟萬戶，小蒲團坐歲三餘。
程婁老輩皆多壽，瀟灑輸君半百初。

費筠浦中丞移節閩中詩以送之

賈董文章召杜勛，東南開府頌聲聞。
波涵笠澤清澗底，笏立天平峻絕羣。
卿月當前人共仰，慈雲漸遠望偏勤。
如來倘有分身法，一住三吳一向閩。

三衢行館暫停旌，天許安陽晝錦榮。
秔稻香中騶騎過，芙蓉巖下篠驂迎。
政先儒術元由學，清畏人知不近名。

芙蓉巖下篠驂迎，政先儒術元由學。
清畏人知不近名，欲援儀封當日例。
重瞻棨戟到吳城。

張清恪公先撫閩後移吳

和袁又愷移居

名山何必占匡廬竹柏依然舊日居門對招提非學佛
家鄰宛委好收書春雲澹送千巖黛夜月閒吟一笛漁
載酒往來無熱客不妨薄笨當安車

峭倩支硯近可游瀑泉如布石如虬接奇欲到最高頂
結伴都尋第一流安定醉鄉多日月立方韻語卽陽秋
誰言五硯無多物大勝人閒百尺樓

倚樓長嘯老孫登甲乙圖書啟繡膳學海量收波萬頃
心田腴穫麥千塍曉窗注易重研露夜雨畱賓共翦鐙
我欲相從鈔善本俗君斐几一閒凭

掃地焚香晷景遲移居傳誦靜春詞
輞川曾入王維畫
塘艸重增謝客思
入戶山禽招他友
參天巖柏近堪師
半邨半郭眞宜隱
開徑無忘二仲期

虎邱剏建白香山祠落成用白公武邱寺路韻

四首

五馬香山窈來游羽蓋頻出城
無俗地開路便行人戶
祝輿情舊蘋蘩祀典新
詩僊長住世想戀武邱春

掌制敷陳切憂時諷諭頻
有詩當淨業無黨實是完人照
滿空門契元劉友誼
新楊枝晚能放丈室
自生春

神照如滿

二僧名

姑蘇佳麗郡蚤歲夢游頻

用吳郡詩石記意

燕寢空名士詩壇

得替人影泡緣不淺廣大教重新一院天香滿秋花澹
勝春

彥升風雅主公擇唱酬頻

李松雲太守

折簡招閒客盟心友

古人白隄名不朽蔣徑話重新小戶慙先醉難勝竹葉
春

短簿祠

金印纍纍掩綠苔叢祠鐙火寄山隈鄉人不識尙書令
只認當年主簿來

眞娘墓

一枝先折獨流芳，休怨紅顏命不長。
若待門前車冷落，雞皮誰復問眞孃。

中秋前四日袁綬階招飲漁隱小圃卽席分韻

得蕭字

小園依楓水出郭十里遙，主人勤著書自比漁隱。
茗良辰秋氣爽，折簡朋儕招衣冠。佺僑古譚笑，嵇呂超少長。
三十輩不鏤各自彫，言登畏壘亭共坐。猗覺寮西山恰當樓，
卓立青翠標有若不速客，引我凌九霄木犀十數本。雲外天香飄黃中色，獨正不偕燕支描人因素心洽地，
異紅塵囂金谷徵故事相於歌，且謠我老才思涸白。

髮徒蕭蕭師學擊轅響徐引鈞天韶

題泐梧門梅石小照

咎讀梧門詩高唱繼韓白今披梅石圖清標映履舄先
生詩味侶寒梅不學穠華桃李格素心相對石丈人磊
落不減米家癖廿載神交未合并開函忽見文章伯紫
芝眉宇洪厓肩宛到詩龕共晨夕燕許文章公主盟向
禽山水吾衰劇鄧尉橫斜千萬枝洞庭空嵌幾朵石空
王香火倘有緣尙擬譚詩圖主客

鮑臥雲招同邵晴巖馮補亭陳秋嘯游虎邱白

公祠和臥雲韻

近游天僭好秋光小泊吳閶七里塘紫蟹正肥霜後曆
黃花纔送晚來芳波激活水安茶竈海湧晴嵐入酒觴
卻笑香山修淨業花船猶復載紅妝

白傅祠堂結構新濯纓臨水了無塵虎邱猶記初開路

鶴石重依舊主人勤靜兩言畱治譜

救煩無若靜補拙
算如勤公在蘇郡

齋句文章異代佗比鄰海山兜率休分別花落何須認溷
茵

潛研堂詩續集卷八

門人黃鐘校字

此亦言得公升正奉直山與德符公其書正其心也
長壽寺山於十八日晴雨二書皆備

下卷五十一。錄中。諸君。皆。不。可。不。讀。也。此。書。也。
西。安。各。山。各。寺。十。卷。之。書。其。書。甚。多。

清。華。書。院。本。書。其。書。甚。多。不。可。不。讀。也。此。書。也。
其。書。甚。多。不。可。不。讀。也。此。書。也。

潛研堂詩續集卷九

嘉定錢大昕

題宋牧仲泐螺秋色卷

訪秋小隊記當時
羣展翩翩玉樹枝
卻笑烏衣王大令
蘭亭會上竟無詩

翰墨勛名兩不磨
詩情翻比簿書多
朱門槩戟今猶咎
誰肯偷閒到泐螺

題秦繹山碑拓本

樂石年年刻程書
旦旦勤頌功猶未了
已有揭竿人
博浪人狙擊空勞
大索忙始知嚴督責
不及泐三章

上蔡牽黃狗沙邱進鮑魚孫卿門下士何忍僂焚書
誰奉牛毛泐唯餘蝸扁文一長矜絕妙野火不能焚

袁簡齋前輩輓詩

幾載相逢索輓詩今朝眞赴玉樓期篇章最有公卿賞
姓氏居然婦孺知世上無方求藥艸人間猶戀爲花枝
六朝山色俄蕉萃此後誰搴大將旗

掉頭冑佗玉堂僊江左牽絲政事傳自詡好名還好色
何曾求道夏求禪東方玩世三千牘榮起行歌八十年
至竟九泉畱一憾不教重賦鹿鳴篇

踏徧天涯一瘦藤汝南月旦逐年增風雲出叻梁任昉

履屣登門漢李膺說鬼技神多漫錄評詩品石總良朋
只今總帳依然在誰與西窗夜翦鐙

和謝錡山明府當湖書院紀事詩元韻

當湖學脈在婁淞桃李年來秀夏鍾筆陣萬言須倚馬
文心一縷要接龍諸生幸接絃歌響賢宰浚籌藁粥供
計日毛錐先脫穎逢年誰道不如農

東浦方伯奉命監臨武闈詩以志賀

玉尺評量頗牧才儒生憑軾氣雄哉六韜熊豹符親授
八駿驂驪路特開蕭相薦賢韓信出范公校武狄青來
彎弓也侶論詩密驗取穿楊一百回

自適

自適田園興兼無燕雀喧耐貧緣省事避諷獨忘言竹
任鄰家醉花嫌洞口餘屠廡容十笏無佛且稱尊
生來伏不鬪自許董無心碁覆前賢局絃尋大雅音客
休誇劍俠我欲託書淫新句隨時得撚鬚怕苦吟

獻之以霸陵圖求詩得二絕句

黃屋當年竊自娛十行手札出西都漢皇別有攻心策
細柳何曾遣亞夫

百金未肯露臺捐二尺能伸廷尉權容得賈生長太息
不妨曆火自安眠

尺

中和拜賜百僚同終歲誰酬一寸功紅女持來裁作樣
梓人算定畫爲宮測圭莫把分豪誤烹鯉時間絹素通
安得叔和勤切脈吹將暖律換春融

題蠓磯靈澤夫人像

油口初屯貔虎師明珠步障記當時二喬得婿皆人傑
正統終輸大目兒

一隊新添孃子軍弓刀侍女總如雲紅顏亦有三分畧
不獨英雄是使君

湘竹斑斑淚暗揮蠓磯絕命是邪非永安宮闕知何處

不忍游魂過秭歸

古厖松杉水鶴鳴
畫圖彷彿見皇英
蛾眉亭下如珪月
想與冰心一樣清

題筠浦中丞甘雨應祈圖卷

少讀三百篇
兩歌陰雨膏
黍苗慶有秋
功歸郇與召
東南土宜禾
歲轉百萬漕
總稭輸神倉
秉穗入私窖
今秋偶亢暘
日炙風亦燥
安得輓天河
澆此憂心療
賢哉中丞公
不待閭左告
親禱鬱羅臺
盡卻八騶導
果然有腳春
頃刻通大造
鞭起龍公癡
戰退妖女驚
一出涼颺興
再出墨雲罩
三日遂成霖
額手非意料
江北與江南
漫

渥先後報何須封雞卜不藉刑鶯禱起看四野閒耄穉
共欣笑戴笠出耘鉏著屐踏泥淖邨邨歸犢臥處處鳴
蛙鬧饒黍趁晴初提壺或醉倒一幅幽風圖神理都曲
肖商巖爲霖久鮮于福星昭先民有遺言愷悌神所勞

河豚歌

海鄉多河豚腴美勝梁肉先春舉網得不待垂楊綠清
晨招客盛滿盤有客頭搖眉卽蹙忍將性命付兒嬉頃
刻人身近鬼錄主人語客箸勿停巖龜食經君未讀抉
眼剝腸血出漉洗之滌之眞味足吾鄉朶頤千百輩飽
咬人人饜所欲醉歸兒女話團團阿誰獨脹彭亨腹鴛

鴛繡被朱輪車人生何往非鳩毒一味當筵且莫憂勸
君休戀容容福

冰鐙

算笑伊空腹誰知汝熱腸金波窺素抱爐火偕餘光坎
陷離堪麗心炎性自涼然鐙無我相泡電兩相忘

十月八日汎舟山塘登千人石次兒東塾從行
口占絕句

拾級重尋舊講臺石頭路滑怕莓苔巨屨孃道上遙相訝
今歲游山第一回

初冬洋菊尙嬋娟野卉偏呼老少年天爲詩翁無腳力

送將紅葉到船邊

東浦方伯寄示立春見懷詩依韻荅之

新春纔一日特寄艸堂詩散櫟人都棄分甘意獨垂下
交通款曲陳謝拙言辭佛地公兼占慈雲蔭在茲
政簡緣聞道官高不廢詩詞華冊載舊經濟大名垂敢
附苔岑契都忘寒燠辭慙非徐孺子下榻得于茲

原作

陳奉茲

著書尤究史集古併工詩學盡通儒伏名非一技垂
得交嚙已老數見喜無辭小別流年換春風復在茲

題李松雲太守虎山看月圖

海湧峯頭月金波萬古圓澹無脂粉相閒悟夢泡緣壯
氣池涵劒文心纓引泉夜游茲地好應讓李青蓮

盤石千人共淡宵卻獨看靜中偏有色高處未妨寒初
地棲心穩平坡著腳寬何須夏秉燭皓魄挂雲端

題顧秀才抱沖小讀書堆圖

時抱沖
已歿

東吳顧文學坐擁百城書意適思河豕心閒逐蠹魚遺
間接越絕小說屏虞初欲訪黃門跡空山自結廬

小松瀟灑客爲畫讀書堆泉石緣非俗風流盡可哀篋
留前度札階掩舊時苔辛苦丹黃在遺編忍數開

題晦之弟水流雲在圖

小齋得自怡

弟所居名曰
得自怡齋

日誦少陵詩世味雞蟲外天

懷雲水期江亭聊可憩飯顆莫相嗤出岫非吾願虛舟
任所之

性癖無它嗜終年汲古勤盈科從不竭過眼自成文澹
遠江南水蒼茫湖右雲盡收行橐裏應許對床間

三月十一日袁又愷招同王述庵潘榕皋段懋
堂蔣立厓諸君集漁隱小圃賞牡丹分韻得惠
字

名花如佳人外秀中更惠天然富貴姿禮義常自衛先
開讓桃李後進引蓮蕙金屋儼深藏呈身嗤姪姊暮春

天氣佳漁莊臨水滌主人約看花上客此停軟一詠閒
一觴聊舉永和例今者不爲樂桑榆景易逝南華尙達
生右軍未忘世且汎梓澤尊欲制雍門涕

十六日戈小蓮招集范邨別墅賞牡丹分韻得

酒字

晨聞折簡招梵邨會僊友籃輿十里遙山光忽落手石
湖游賞地一水繞清瀾已遠城市囂夏謝剝啄叩居然
竹林游拍肩嵇阮耦賞花到十分滿酌且一斗客醉已
二參春太將八九羣公各擊鉢老我繼鼓缶雖少倚馬
才尙有譚天口願盡今日歡莫負盈尊酒

錢生宗穎攜陳孝廉詩庭所畫秋窗聽雨圖屬

題

鼓瑟湘江格最清
五言今日得長城
梧桐葉底蕭蕭響
侶助騷人落筆聲

畫生六法擅膠江
寫出雲泉瀉碧涼
它日翦鐙來話舊
攜筇訪爾讀書窗

戊午除夕立春

新春猶舊歲元日是來朝
老望而今健寒知此後銷
林泉增我慢杯醞謝人招
回首鈞天夢依稀卅載遙

西抹東塗日子今
又廿科繫鞵前輩少
避席後生多未

獸屠蘇晚生憎剝啄過兒曹太平鼓信口亦成歌

庚申元日

七十又加三春風到艸庵客猶誇我健筆欲與儂譚
眼目相全滅詩書味自甘生來強項骨不肖拜瞿曇

生朝偶作

六十不借債七十不過夜

二句吾鄉諺

我今七十三風燭須

臾化有眼視不審黑白昧真假有目聽不聰鐘磬皆暗
啞唯餘一寸心了然完無罅此心豈可恃形滅神亦謝
譬之已灰蠶安有遺絲藉聖賢同一身夢奠本無怕云
何近世英誤聽異端詎不灰乞僊方有罪望佛赦往生

極樂鄉依託彌陀舍是真貪癡想傾倒堪歎叱咎賢重
令終易箚意閒暇冷笑讀書人乃爲二塗嚇

吳江夜泊

但覺雲頭聚何時雨腳收舟如萍一葉身侶海孤鷗歲
月驚虛擲湖山憶舊游垂虹亭外泊春夜斗成秋

題三高祠三首

嘗膽成功後顰心共載還君臣兩鳥喙家國一紅顏未
齒南陽劍終辭肉里山晚年逃貨殖始信立身艱

典午論人物江東數步兵偶隨游洛侶不博曳裾名白
璧曾何玷青山若有情秋風波浪惡安穩喫葦羹

我慕天隨子浮家當卜居牛宮春水活鶴市暮雲舒詩
改元和樣人傳笠澤書古來名不朽豈必著緋魚

歸安道中

小艇低于屋乘風任簸軒波平知雨足日出覺春暄兌
酒三家店柔桑十畝園一峯青侶繖無佛欲稱尊

雨後攜東塾游吳山入紫陽洞

城市千家會江湖一覽閒盤困米老石渲染李唐山雨
霽桃初放雲昏鳥自還堂堂峯第一不許海陵攀

西湖

一碧分來裏外勻
乍晴乍雨總空春
比將西子嫌唐突

姑射山頭綽約人

菜花

近覺桃花嬾翻輸菜蚤開天公太豪富徧地布金來

喜晤山舟前輩卽以畱別

八年重見古鬚眉譚笑依然卻老罷翰墨千秋無敵手
文章五代又連枝長源僊骨天生獨徐邈清風世所師
杖唾自憐衰已甚未知挹袂更何期

同作

東塾

一代傳人翰墨雄元和有脚溯家風逍遙肯作游僊

夢

公有反游僊十三首

咳唾居然玉局翁同館序來前輩少新

詩格比極元工此行不負平生願得識西湖又識公

武林歸舟

雨阻尋山興風留送客情桃花開兩岸如伴老人行
已分糝糊眼慙看豔冶花黑甜忽驚起當面赤城霞

題開元寺古佛

天堂間說卽蘇杭古佛何曾返故鄉冷笑南人爲佛誑
卻貪極樂住西方

可廬舉孝廉方正志喜

予季東南美賢良應大科遠勞一封傳勝取百困禾稽
古榮圭組辭官戀薜蘿爭誇黃叔度天祿著書多

世味

世味如雞肋浮生笑鼠肝自甘顏巷陋未厭范袍單冷
暖閒來覺雲煙靜裏看問翁何所樂今日幸平安

苦雨

容剗三間屋支頤一老翁欲尋榮啟樂難送退之窮苔
長偏矜綠花殘不見紅三春好天氣半在雨聲中

王夢樓贈東塾詩兼及京華舊事不勝今管之

感依韻答之

城南聽雨共春醅

聽雨樓在京師半截衚衕畢秋驅寓齋也管時觴詠之地

紅燭當

筵喚夜來回首已成分鹿夢論心終讓拔天才青山供

蒼芒鞢穩白業精修忍艸栽十日胥江畱小住優曇花
忽眼前開

題王叔華教授笠屐圖

與君同里又同庚五十年前訂舊盟今日南鄰還往熟
不嫌倒屣數逢迎

蓬瀛兜率夢空游大海中央認一漚只要新排詩卷了
醉吟面目自千秋

十載彭城苜蓿香閉門覓句興偏長前身想是陳無已
親見東坡笠屐裝

潛研堂詩續集卷九

嘉慶六年

辛酉勅撰

年編庚戌歲各其國門者任鄉不勝其心

潛研堂詩續集卷九

門人黃鍾校字

東坡先生集

潛研堂詩續集卷十

嘉定錢大昕

辛酉新年作

新年偏病足謝客且關門酒任鄰家醉
碁從局外論小時曾了了此太益昏昏誰送衰
翁喜圍爐一餉溫
僊佛都虛幻休尋不死方守謙終受益
作善卽爲祥智
小蜩鳩樂材高枯柏戕靜中參至理說與小兒郎

讀史記二首

子長史筆獨嶙峋一字何曾獎暴秦
月表區區敲石火祖龍豈異沐猴人

人代茫茫邃古前共和以上阿誰傳笑宅安樂窩中安
杜撰堪輿混沌年

爲秦昭若題其曾大父雲津先生遺像

洙泗師承六藝通蟠龍近派衍江東一經獨抱休嫌拙
自有名垂野史中

先生著有練川野
錄及淞南志等書

生晚無由御李膺楹書三復感偏增名儒有後良堪羨
折几家兒想未能

上元夜

春晴幾日聽農謠四氣和于玉燭調老幼團樂羹骨董
菜根香裏過元宵

生來無夢亦無憎
竹石禽魚卽我朋
一室誰非行樂地
十年不看上元燈

絳老

絳老人疑甲波斯
水認痘蚤知神欲滅
難恃舌猶存
楓炫秋前葉
葵依午後暄
唯餘菜根味
珍重付兒孫

滄浪亭柳寄都門舊同學

上林桃李各爭妍
盡讓三吳國色先
誰道滄浪惟悴柳
相看青睞已多年

晤邢長興佺山卽畱宿官齋

扁舟偶到雉山城
徧野桑麻百室盈
三徑新開調鶴地

六時不廢讀書聲文章政事真兼美隴樹吳雲快合并
一榻有容吾輩住清風如見古人情

題佺山松林讀書圖

松陰深處硯池開滾滾原泉萬斛才
莫訝訟庭公事少郵筒時有異書來

高文真與震川倫撫字依然舊日民
竹馬兒童走相識不知官是讀書人

謝太傅墓在長興之三鴉岡見于太平寰宇記
或疑墓當在建康佺山明府引南史陳始興王
叔陵傳證徙葬本末作辨一篇既確不可易矣

阮芸臺秦小峴諸君皆有詩予亦繼作

一局丁丁碁子墮指麾小兒賊已破阿堅連牽二十年
鶴唳風聲氣先挫平生擁鼻洛下吟不知中有開濟心
文度手板徒倒執茂宏故節羞重尋當年久負蒼生望
手護金甌竟無恙東山既出果如何從茲一雪清譚詠
白雞夢斷吁可憐長干梅嶺好墓田始興小子肆狂虐
三鴉岡口移今阡顏公石柱張公錄表樹守冢自胡宿
攷證爭傳明府文祠田更得中丞續謝蘊山宰相風流百
世思遺民墮淚讀新碑功名盛滿保終始令人太息桓

伊詩

下箸寺陳武帝故宅

鳥山王氣久銷除，十笏猶傳誕聖居。
枉費千夫鑿巖脈，誰知此地有三餘。

涓涓井沸詫神奇，匆舍驚看寧馨兒。
一樣寒泉榮辱異，滄桑轉眼不多時。

顧渚山行

羣峯踴躍侶波騰，陽羨東來翠幾層。
占取白雲最淡處，從來清福付癡僧。

焙得新芽穀雨前，色香味美妙能全。
盛朝久卻頭綱貢，一任山翁活水煎。

竹山聯句遠難稽小杜來游跡已迷祇有開成楊刺史
賓朋羣從姓名顯

浮谿當日一麾雄解組曾來作寓公分隸大書波磔勁
阿誰別蘇到山中

一月蠶忙判牘稀尋山畱客暮忘歸城頭姑射眞相侶
好與閒雲作伴飛

挽周少霞廣文

古湫衣鉢付周郎卅載聲名翰墨場十國遺文補歐薛
中州新韻按宮商秋菘春韭山資足霽月光風教澤長
耆舊祇今零落盡尙湖回首路茫茫

和唐陶山明府修復唐伯虎墓

淵明神游桃花源六如身住桃花塢不是人間第一流
難與桃花論賓主對花須把酒對酒空賦詩詩畫遊戲
巨工拙我不知大兒漢曼倩小兒唐青蓮尸解非所好
怕作懵懂僊前身桃花見花喜故應埋骨桃花裏三春
紅雨落紛紛唯有此桃花不歿前中丞宋公後明府封
植區區三尺土異代堪聯僑札交當時恥與絳灌伍明
府來自桃花源華胄遙遙本同祖出處雖殊興趣同唱
和堽簾吾與汝歌新詩酌清醕僊不能言花應語

贈胡石梁

久賞士龍妙

君女婿陸孝廉學欽子婁東書院舊徒也

因知彥輔清琴書堅

道力湖海助詩情水闊閒鷗穩天空老鶴鳴蓬門今始

啟好訂歲寒盟

題宋汝和畫花

梅花宰相賦紅杏尙書詞澹遠瀟湘畫清逸西陂詩異
才不世出一手能兼之老矣興不淺卻寫三春姿蕭然
丈室中忽見羣蛾眉神侶形亦侶卽以花爲師眞花雖
云好不耐封姨吹何如寶此卷奕葉長畱貽

曉間禽聲

我不辨鳥語而喜聽鳥聲清晨啁嘈響有若鸞皇鳴我

衰久百誓問字鮮友生何期不速客過我時嚶嚶物微
意良厚願申歲寒盟樂哉我與爾勿慕喬木榮

前蜀王錯書妙泐蓮華經殘本

我管收金石獨少兩蜀碑廣政九經有殘本搜訪未覩
常懷思東川琴泉古塔圮泐華貝葉猶無虧六丁劫
火燒不盡妙蹟往往人閒貽聞有朱書武成字錕鉤想

出平章爲前顧後鄭各藏弄一字欲直干朱提吾家籀

石老詩伯首賦長句何清奇

蔣士銓

王治

程晉

宋銑

盛百

吳省趙文屬和競放瓊琚詞一彈指頃歲四十舊交落

落晨星移紺園徵君忽過我要我染翰題新詩神物已

歸鄴侯架楷法不減楊羲規石刻榻本尙難致何況墨

潘光淋漓延平雙劍終有合憑君再訪虞山遺

此本乃鄭西崖

所藏古湫同年久作古詩成自慙格力弱臨風空撚星

人其儲藏間亦散失矣

星髭

次榕皋蟄室韻

方丈虛生白斯晨息此廬地偏能避俗身健樂閒居物
理寒暄外天心闔闢初眼前堪悟易何事問三車

垂簾如洞壑揮翰卽雲煙容刻無多地觀心小有天聲
名四海滿福慧一身全冷笑瓜牛陋焦生未是賢

題同人姪策蹇訪碑圖

我有歐曾癖家多迺邁才低頭看臥石不肖損莓苔

吾鄉無蹇驢亦少晉唐蹟

惟南翔寺有咸通乾符兩石幢

會須五嶽游

手捫秦漢石

治隱園三友圖爲韓旭亭作

管讀遺民傳有懷復社賢名高廚顧上齒讓鄭金先剝
啄無它客衣冠儼列僊依依五株柳共話義熙年

四夔猶少一三劔竝超羣桐木南陽舊虹光北斗分傳

詩垂教遠賣藥怕名聞弈葉丹山鳳披圖誦管芬

此首用韓

氏故事

壬戌元日

生年難滿百已閱四之三冷暖心無著癡書理久語靜
知榆景促貧凌菜根甘令節吾何快屠蘇一勺酣

久脫趨 朝籍還多問字緣人皆憎老物吾尙戀殘編
蠶瘦絲垂盡魚枯泣可憐成童宛如眈又是采芹年

題唐陶山海上乘槎圖卽送之海州任

三吳十載住雙鳧東海今朝領郡符一路清風衣帶水
送君遙渡射陽湖

胸山秀色接蓬萊海市應爲玉局開天與才人詩境界
乘槎直到郁洲來

石刻江南少賞音鬱林妙迹秘東岑憑君多榻青藤紙

寄與人閒好手臨

聞道胎禽近易馴
滄溟來往翅如輪
官齋大勝乘軒樂
傲煞華亭乞鶴人

百室絃歌處處聞
一經指授便能文
年年僊館春無恙
指點桃花憶使君

題綿津山人詩稿

新城王阮亭秀水朱竹垞批本

酒肉朱門太可嗤
何妨判牘又吟詩
詩成就正諸名士
此段風流已足師

蠶尾山房放鴨洲
偶然隻字亦千秋
貪多愛好空相撼
終讓江湖兩派流

題尤西堂夢游三山圖圖爲海寧俞體仁畫
莊生曼倩淵明太白東坡五像最後一人則西
堂也王阮亭朱竹垞韓慕廬諸公皆有題詠予
亦作六君詠繼之

漆園吏而僊著書意有託契舟索劍痕一笑向與郭翼
鳩料鵬鵬大小竟奚若魚我但兩忘人閒豈不樂

曼倩歲星精滑稽聊玩世大隱金馬門規諫襍諧戲磊
落萬言書不道神僊字一飽粟可憐三偷桃有味

柴桑名家彥汲汲慕魯叟桃花源久迷不如宅邊柳
田亦復佳有與督郵偶三徑菊黃時豈無人送酒

李生謫僊人低頭佗供奉清平調三章佗諂亦佗諷知
心飯顛翁憐才心鄭重太息古柏行才大難爲用

坡公不合時投老竄海外一生春夢中榮枯了無礙乘
桴駕長風奇絕斯游最何人品八家乃以野狐配

遂初西堂翁神交五君子海山倘相招挹杖吾與爾今
古只剝那人代何彼此龍洲沁園春前例亦如是

四月廿有六日重游泮宮賦贈新先輩因追懷

西莊光祿

壬戌仍逢采藻年恆河照鬢忽幡然莘莘俎豆今猶管
濟濟淵騫後勝前三不朽閒當立腳四先生往孰差肩

磨牛陳迹重增感寂寞柴門鎖軻川

吳竹橋禮部湖田書屋圖

我所思兮湖田春中有著書獨樂人青山如黛只咫尺
招邀入戶忘主賓腹中五經皮裏史手植桃李皆弟子
莫訝揮豪萬斛泉先生自有源頭水

我所思兮湖田夏花竹僂娟秀而野少陵稷契久許身
大庇遠勝千閒厦湖雲忽起山雨來登樓四顧亦快哉
衝泥且卻油竹傘消暑滿酌蕉葉杯

我所思兮湖田秋紅蓮蚤稻香氣浮禮耕義耨作家計
硯田一獲豐千秋海虞本是山水窟載酒顛襟興飛越

紅葉朝揆吾谷雲碧波夜汎昆湖月

我所思兮湖田冬謝家玉樹枝丰容萬卷身籤手自校
列宿四七咸羅胸主人清言鋸玉屑夏鼎周彝左右列
安得扁舟乘興游與君共踏二峯雪

題汪竹香孝廉詩藁

經義紛綸老孝廉謝敷終應少微占生平滋味餐黃蘗
莫怪詩情苦勝甜

古巷猶傳魯望名

所居名
陸家巷

筆牀茶竈宛前生只無甫里

田堪種破硯年年舌自耕

邯鄲學步意如何剗剗紛紛下里歌檢點三唐篋中集

好詩畢竟抱山多

風月吟來當解嘲，一生精力盡推敲。
叢殘遺藁新排就

難得疾芭子細鈔

謂夏方米徐直卿諸君

蔣湘颿寫經圖

黃庭遺教墨花翻，那侶羣經道夏尊。
莫笑老人真計拙，金籙幾箇到兒孫。

熹平妙迹久漂零，廣政遺文曙後星。

孟蜀石經訪求數十年近始得見左

傳三百餘字殘本

天與 聖朝成盛事，白頭一手寫全經。

癸亥新春

問年周一部獻歲，又三春久佗歸田賦。
猶畱倉粟身有

齋堪習嬾非佛亦忘嗔鬚髮都黃白誰云此老貧
殘臘入新年梅花雪後妍餅無畱客酒案有示兒編
祭難言博蟲彫亦可憐江湖多小集若箇姓名傳

題可廬對牀風雨圖

門內堪師友吾家一子由聲名梁兩到博洽宋三劉白
髮驚相侶青鐙話舊游聯牀風雨夜莫忘卞山秋

汪蛟門少壯三好圖爲秦敦夫太史題

我不學周公瑾識曲顧誤研宮商亦不學畢茂世盜飲
僵臥酒甕旁惟儲文字五千卷晨夕相對長無忘六經
爲麴蘖百氏如笙簧雕蟲一任壯夫誚倉陌更比老饕

忙家徒四壁況善病此生無分溫柔鄉當年彥瑜華腴
曾知音豪飲工詞章自述三好不及色赤心戰栗神內
藏蛟門比部磊落士直榦百尺梧桐長畫師傳神出新
意十眉環列窈窕孃同時名流競題詠輸攻墨守奚低
昂百年妙蹟幸無恙貫月夜夜虹生光賞音今遇太虛
子珍重不異兼金黃長城詩格出家學木天兩世鸞皇
翔急流勇退神僊骨竹西騎鶴師襄羊檢書室有如願
婢倚磬人捧桃杞觴丈夫寓意不畱意天女下試庸何
妨蕭生寒儉太自苦踏歌江上同汪郎

白公祠喜晤述庵司寇

邂逅老僊翁鬚眉白傳同中朝畱一鶚高論卻千熊身
與文俱壽詩因愛夏工放翁云詩到無人
處工戲轉一語樓臺無地起
想見古人風

此地宜觴詠回頭六十年知章歸未晚長慶集先傳坐
閱千人石閒烹一勺泉捫蘿搜古碣會粹入新編時刊
刻金

石粹
編

題朱竹垞明詩綜艸彙

朱竹垞先生編明詩綜既成寓吳閭之慧慶寺
鳩工剞劂始于康熙壬午之冬斷手于乙酉秋
季時先生春秋踰七望八精神矍鑠遨游山水

不假人扶掖三吳名士載酒問奇字者戶外屢
常滿或出錢助刻資一時傳爲嘉話距今百有
餘年矣予比歲假館南園每出郭西過白蓮涇
上訪僧雖無有能言其遺事者今春曉泉太史
訪予春風亭攜此卷見示乃其及門陶松如茂
才所藏松如嘗于故書中檢得叢殘廢紙百餘
片質諸太史識爲竹垞手迹令好手粘連爲長
卷雖于全書厯千百之一而筆墨腴潤卽絕不
經意之中得瀟灑自在之趣展玩數四覺先正
警歎如在目前喜可知已予今年紀與秀水同

而目眩手戰潦艸幾不成字因歎龍馬海鶴之
姿非跛蹙所及不獨才望相去懸殊已也敬題
四絕句請曉泉和之

長蘆太史七十六慧慶手鈔百卷詩比侶遺山才更大
瑤華南北總無遺

鶴不乘軒老尙鳴近游行徧八門城白蓮涇上開書局
自信文章合有名

安石金經碎翦裁裴成字字迸珠胎知音不遇陶貞白
拉襍都爲爨下灰

僑吳我亦白頭翁前輩遺聞想像中多謝神僊郭功父

攜將長卷話春風

頤凌仲子教授校禮圖

我讀七戒篇偉哉凌君學羣言謝未能禮經手自斟釋
例十三章大義何卓犖古聖重人倫以禮啟後覺指讓
俛仰閒身心日追琢教從童卯始要使還誠慤莊列崇
元虛視道爲桎梏婦姑任勃谿一室生羿浞天未喪斯
文慶戴守其樸北海集大成文字費商榷流傳二千年
學官悶楹桷束閣置勿觀張睪等眊瞽眞儒起新安
然甲科擢不嫌校官卑說經顏頤頤古器辨敦卣正聲
叶徵角隻手障回瀾功豈但一璞我衰耄已及廢學眾

所設忽枉瑤華詒連城投和璞敬亭雲往還千里途未
邈安得問字緣覺堂許剝啄

述庵侍郎八十仍疊虎邱唱和韻

八十樂全翁精神潞國同西京兩司馬東海一非熊玉
尺量才正金針度世工漁莊近三泖消受快哉風

此窳非常窳忘年得大年籌邊雙髻換艸檄百蠻傳夜
踏金川月晨炊雪嶺泉亥章曾未到都入紀行編

恥化囁囁翁寒松雪榦同南臺冠戴豸西省掌批熊霖
雨沾濡渥絲綸潤色工踐揚三十載人識曲江風

事業雲霄上詞章漢魏年行藏真不愧福慧兩堪傳力

輓千鈞鼎思接萬斛泉分陰晚猶惜樂府續新編
今古幾多翁酸鹹嗜不同道能融孔釋味欲盡魚熊許
鄭淵源遠歐蘇著述工新排詩卷富肆好穆如風
曹憲張蒼侶研經壽百年千秋斯道重四海大名傳共
仰星環斗誰窺纒汲泉羣英陪杖履語錄及時編
當代董思翁聲名壽樂同三車參象馬五戲卻猿熊老
學心逾細詩傳選最工懸弧冬日暖入室坐春風
北郭隨肩日南宮擢第年青瓊慙我倦黃絹羨公傳卓
立靈光殿紆餘難老泉鶴南飛一曲欲附五羊編

題小谷口讀書圖爲陳蓮谷作

當代陳無已前身鄭子真
樵風涇宛侶書帶艸猶新
汲古元同調虛懷想古人
紫芝眉宇在彈指百餘春

稼門中丞以近藁見示卻寄

詞章經濟本同源鐘鼎山林豈異論
韓子文皆從道出溫公事可對人言
采風不尙千篇富養正方知六義尊

公選養
正詩

三復公詩得詩法
莫誇綺麗入旁門

和稼門中丞見贈之作

頽然暮齒久成翁猶在名卿拂拭中
假館已叨仁者粟論詩常誦謬如風
公心侶鑑勝高頰我腹無書媿郝隆
願勛青衿勤嚮學焚膏珍重寸陰功

題陸桐庵霜林秋月圖

寒林寂冱夜迢迢曳杖何人渡板橋一片空明了無滓
此中妙諦問參寥

梁山舟前輩八十

占得西湖第一峯煙雲供養幾千重門懸曼碩山舟字
人識坡公笠屐容揮翰尙看奔渴驥著書久已薄雕龍
年開九十身逾健不爲登高俗瘦筇

甲子元旦

七十還加七重逢甲子春元無駐顏藥猶作負暄人眼
暗觀書懶神疲假寐頽庭梅知我喜催放眾香勻

人如都散漢身住小屠蘇竹聽今年響桃夏舊日符江
湖游已倦面目醜難摹比似香山叟公然一歲踰

題黃堯圃除夕祭書圖

斗室紛羅列今朝倍肅將禮行祠竈後心爲拜經忙神
智年年益精靈字字香一甌曾俗讀助祭或須印

吳槎客七十

七十顏猶少壯如松身鶴骨最清疏手摹離墨前朝字
家有淳熙善本書曹憲壽應逾百歲蘇公味只戀三餘
海山咫尺庭前列試辦長籌幾屋儲

聞瞿涉齋廣文之訃愴然有作

隔宿瑤箋墨未乾
巫陽升屋太無端
乘風想到芙蓉館
頤句猶傳苜蓿盤
虎阜聽泉成昨夢
鶴湖載月記同看
衰齡久覺知音少
綠綺從今忍再彈

偶題

有月忙開眼無魚少羨心
影形神互荅生老病相尋
宿艸年年淚秋霜漸漸侵
在阿常獨寐慧地一書淫

次孫師康十一歲好誦余詩喜而有作

病來十指似懸椎
已是江淹才盡時
慙愧驚人無一句
虛勞汝誦老夫詩

潛研堂詩續集卷十

門人黃鐘校字

...

...

...